

四庫全書

史部

欽定四庫全書

欽定續通志卷一百七十三

災祥略

旱

旱

唐高祖武德三年夏旱四年春不雨至七月七年秋  
關內河東旱太宗貞觀元年夏山東大旱二年春旱

三年春夏旱四年春旱九年秋劔南關東二十四州旱  
十二年吳楚巴蜀二十六州旱十七年春夏旱二十一

年秋陝絳蒲夔等州旱二十二年秋開萬等州旱高宗  
永徽元年京畿雍同絳等州大旱二年九月不雨至明

年二月四年夏秋旱顯慶五年春河北二十二州旱總  
章元年京師山東江淮大旱二年七月劔南十州旱咸

亨元年春秋旱儀鳳二年夏河南河北旱三年四月旱  
永隆二年關中旱永淳元年關中大旱二年夏河南河  
北旱武后永昌元年三月旱神功元年黃隨等州旱久  
視元年夏關內河東旱長安二年春不雨至六月三年  
冬無雪至明年二月中宗神龍二年冬不雨至明年五  
月京師山東河北河南旱睿宗太極元年春秋旱玄宗  
開元二年春大旱十二年七月河東河北旱九月蒲同  
等州旱十四年秋諸道州十五旱十五年諸道州十七  
旱十六年東都河南宋亳等州旱二十四年夏旱代宗  
永泰元年春夏旱二年關內大旱大歷六年春旱至八  
月德宗建中三年五月不雨至七月興元元年冬大旱  
貞元元年春旱至八月瀾灘將竭六年春關輔大旱夏  
淮南浙西福建等道大旱七年揚楚滁壽澧等州旱十  
四年春旱十五年夏旱十八年夏申蔡光等州旱十九  
年正月不雨至七月順宗永貞元年秋江浙淮南荆南  
湖南鄂岳陳許等二十六州旱憲宗元和三年淮南江

南江西湖南廣南山南東西皆旱四年春夏大旱秋淮南浙西江西江東旱七年夏揚潤等州旱八年夏同華二州旱十五年夏旱敬宗寶歷元年秋荆南淮南浙西江西湖南及宣襄鄂等州旱文宗太和元年夏京畿河

中同州旱六年河東河南關輔旱七年秋大旱八年夏江淮陝華等州旱九年秋京兆河南河中陝華同等州旱開成二年春夏旱四年夏旱武宗會昌五年春旱六年春不雨冬不雨至明年二月宣宗大中四年大旱懿宗咸通二年秋淮南河南不雨至明年六月九年江淮旱十年夏旱十一年夏旱僖宗廣明元年春夏大旱中和四年江南大旱昭宗景福二年秋大旱光化三年冬京師旱四年春旱 宋太祖建隆二年京師夏旱冬又旱三年京師春夏旱河北大旱又河南河中府孟津濮鄆齊濟滑延隰宿等州春夏不雨四年京師夏秋旱又懷州旱乾德元年冬京師旱二年正月京師旱夏不雨是歲河南府陝虢麟博靈州旱河中旱甚四年春夏京

師不雨江陵府華州連水軍旱五年正月京師旱秋復  
旱開寶二年夏秋京師不雨三年春夏京師旱邠州夏  
旱五年春京師旱冬又旱六年冬京師旱七年京師春  
夏旱冬又旱河南府晉解州夏旱滑州秋旱八年春京  
師旱是歲關中旱甚太宗太平興國二年正月京師旱  
三年春夏京師旱四年冬京師旱五年冬京師旱秋又  
旱六年春夏京師旱七年春京師旱孟統絳密瀛衛曹  
淄州旱九年夏京師旱秋江南大旱雍熙二年冬京師旱  
三年冬京師旱四年冬京師旱端拱二年五月京師旱  
秋七月至十一月旱是歲河南萊登深冀旱甚淳化元  
年正月至四月不雨河南鳳翔大名京兆府許滄單汝  
乾同鄭等州旱二年春京師大旱三年春冬如之是歲  
河南府京東西河北河東陝西及毫建淮揚等三十六  
州軍旱四年夏京師不雨河南府許汝毫滑商州旱五  
年六月京師大旱至道元年春京師旱二年春夏京師  
旱真宗咸平元年春夏京畿旱江浙淮南荆湖四十六

軍州旱二年春京師及廣南西路江浙荆湖曹單嵐州  
淮陽軍旱三年春京師及江南旱四年京畿正月至四  
月不雨景德元年夏京師旱三年夏如之大中祥符二  
年春夏京師河南府陝西路潭邢州旱三年夏京師江  
南諸路宿潤州旱八年京師旱九年秋京師大名府澶  
相州旱天禧元年春秋京師旱仁宗天聖二年春不雨  
五年夏秋大旱六年四月不雨明道元年五月畿縣久  
旱二年南方大旱景祐三年六月河北大旱皇祐三年  
恩冀諸州旱嘉祐五年梓州路夏秋不雨七年三月以  
久旱罷春宴英宗治平元年春京師踰時不雨鄭滑蔡  
汝潁曹濮洛磁晉耀登等州河中府慶成軍旱二年春  
不雨神宗熙寧二年三月旱三年諸路旱六月畿內旱  
八月衛州旱五年五月北京自春至夏不雨七年春夏  
河北河東陝西京東西淮南諸路久旱九月諸路復旱  
洮河亦旱八年四月真定府大旱八月淮南兩浙江南  
荆湖等路旱九年八月河北京東西河東陝西旱十年

欽定四庫全書

卷一百七十三

春諸路旱元豐二年春河北陝西京東西路郡旱三年  
春西北諸路旱五年亢旱六年夏畿內旱哲宗元祐元  
年春諸路旱冬復旱二年春旱三年秋諸路旱四年春  
京師及東北旱八年秋旱紹聖元年春旱三年江東大  
旱四年夏兩浙旱元符元年東南旱二年春京畿旱徽  
宗建中靖國元年衢信等州旱大觀二年淮南江東西  
諸路大旱政和元年淮南旱三年江東旱宣和元年秋  
淮南旱四年東平府旱五年夏秦鳳路旱是歲燕山府  
路旱高宗建炎二年夏旱紹興二年常州大旱三年四  
月旱至七月五年五月浙東西旱六月江東湖南旱秋  
四川郡縣旱六年夔潼成都郫縣及湖南衡州皆旱七  
年春旱六月又旱八年冬不雨九年六月旱十一年七  
月旱十二年三月旱秋京西淮東旱十二月陝西旱十  
八年浙東西旱紹興府大旱十九年常州鎮江府旱二  
十四年浙東西旱二十九年二月旱秋江浙郡縣旱三  
十年春階成鳳西和州旱秋江浙郡縣旱孝宗隆興元

年江浙郡縣旱京西大旱二年台州春旱興化軍漳福  
州大旱乾道三年春四川郡縣旱四年六月旱五年夏  
秋淮東旱六年夏浙東福建路旱七年春江西東湖南  
北淮南浙婺秀州旱夏秋江洪筠潭饒州南康興國臨  
江軍尤甚九年婺處溫台吉贛州臨江諸軍江陵府久  
旱淳熙元年浙東湖南郡縣及蜀關外四州旱二年秋  
江淮浙旱三年夏常昭復隨郢金洋州江陵德安興元  
府荊門漢陽軍皆旱四年春襄陽府旱五年常綿州鎮  
江府及淮南江東西郡縣旱六年衡永楚州高郵軍旱  
七年湖南春旱諸道自四月不雨行都自七月不雨皆  
至九月紹興隆興建康江陵府台婺常潤江筠撫吉饒  
信徽池舒蘄黃和潯衡永州興國臨江南康無為軍皆  
大旱八年七月不雨至十一月臨安鎮江建康江陵德  
安府越婺衢嚴湖常饒信徽楚鄂復昌州江陰南康廣  
德興國漢陽信陽荊門長寧軍及京西淮郡皆旱九年  
夏五月不雨至七月江寧德安襄陽府潤婺溫處洪吉



撫筠袁潭鄂復恭合昌普資渠利閬忠涪萬州臨江建  
昌漢陽荆門信陽南平廣安梁山軍江山定海象山  
虞嶸縣皆旱十年江淮建康府和州興國軍恭涪廬合  
金州南平軍旱十一年興元府吉贛福泉汀漳潮梅循  
邕賓象金洋西和州建昌軍皆旱十五年舒州旱光宗  
紹熙元年蘄池州旱二年真揚通泰楚滁和普隆涪渝  
遂高郵盱眙軍富順監皆旱簡資榮州大旱三年夏鄂  
陽和州大旱秋簡資普榮叙隆富順監亦大旱四年綿  
州大旱簡資普渠合州廣安軍鎮江江陵府信婺台州  
江東淮西旱江浙六月不雨至八月五年浙東西鎮江  
常秀江陰軍大旱廬和濠楚為甚江西七郡亦旱寧宗  
慶元三年潼利夔路十五郡旱金蓬普州大旱六年鎮  
江常州大旱京襄皆旱嘉泰元年浙東西郡縣及蜀十  
五郡大旱二年浙西湖南江東旱四年浙東西江郡縣  
早開禧元年衢婺嚴越鼎澧忠涪大旱二年南康軍江  
西湖南北郡縣旱嘉定元年夏旱二年四月旱浙西常

潤淮東西江東湖北皆旱四年資昌普合州旱六年江陵德安漢陽軍旱八年江浙淮閩皆旱行都百泉皆竭淮甸亦然十一年淮郡及鎮江建寧常州江陰廣德軍旱十四年浙閩廣江西旱十五年岳州旱理宗嘉熙元年建康府旱四年江浙福建早淳祐七年旱十一年閩廣及饒州旱度宗咸淳六年江南大旱十年廬州旱長樂福清大旱 遼穆宗應歷十二年五月旱十六年五月旱十七年四月旱景宗乾亨二年四月旱聖宗統和十六年四月旱道宗咸雍三年南京旱太康六年五月旱 金熙宗皇統三年陝西旱世宗大定十二年四月旱十六年中都河北山東陝西河東等十路旱章宗明昌二年五月桓撫等州旱秋山東河北旱三年綏德旱承安元年正月不雨至五月二年正月不雨至四月四年五月旱泰和三年四月旱五年夏旱衛紹王大安二年四月山東河北大旱三年山東河北河東諸路大旱宗慶元年河東陝西山東南京諸路旱二年河東陝西

大旱至寧元年河東陝西諸路旱宣宗貞祐二年冬不  
雨至明年四月四年七月旱興定二年六月旱三年夏  
旱四年六月旱五年三月旱元光元年四月京畿旱哀  
宗正大四年四月旱五年四月京畿旱元世祖中統  
三年五月濱棣二州旱四年八月真定及洛磁等州旱  
至元元年二月東平太原平陽旱五年十二月京兆大  
旱八年四月靈仙廣靈二縣旱十三年十二月平陽路  
旱十六年七月趙州旱十八年二月廣寧北京大定州  
旱二十三年五月汴梁京畿旱二十四年春平陽旱二  
十五年東平路須城等六縣安西路商耀乾華等十六  
州旱二十六年絳州大旱成宗元貞元年六月環州葭  
州及咸寧伏羌通渭等縣旱七月肅寧樂壽二縣及泗  
賀二州旱二年八月大名開州懷孟武陟河間肅寧旱  
九月莫獻二州旱十月化州旱十二月遼東開元二路  
旱大德元年六月汴梁南陽大旱九月丹陽金壇旱十  
二月曲沃縣旱二年五月衛輝順德平灤等路旱三年

五月荆湖諸郡及桂陽寶應興國三路旱十月揚廬隨  
黃等州旱四年平棘白馬二縣旱五年六月汴梁南陽  
衡輝大名等路旱九月江陵旱八年六月鳳翔扶風岐  
山寶雞三縣旱九年七月饒陵漢川二縣旱八月象融  
柳三州屬縣旱十年五月京畿旱安西春夏大旱武宗  
至大三年夏廣平亢旱仁宗皇慶元年六月賓棣德三  
州及蒲臺陽信等縣旱二年九月京畿大旱延祐二年  
春檀薊濠三州旱夏鞏昌蘭州旱四年四月德安府旱  
五年七月真定河間廣平中山大旱七年六月黃蘄二  
郡及荊門軍旱英宗至治元年六月大同路旱二年十  
一月岷州旱三年夏順德真定冀寧大旱泰定帝泰定  
元年六月景清滄莫等州臨汾涇川靈臺壽春六合等  
縣旱九月建昌郡旱二年五月潭州茶陵州興國永興  
縣旱七月隨息二州旱三年夏燕南河南十四州縣旱  
七月關中旱四年二月奉元醴泉順德唐山邠州淳化  
等縣旱六月潞霍綏德三州旱八月藤州旱致和元年

二月廣平彰德等郡旱文宗天歷元年八月陝西大旱  
二年夏真定河間大名廣平等四州四十一縣及峽州  
二縣旱八月浙西湖州江東饒州池州旱十二月冀寧  
路旱至順元年七月肇州興州東勝州及榆次澄陽等  
十三縣旱二年霍隰石三州阜城平地二縣旱順帝元  
統元年夏紹興旱淮東西皆旱二年三月湖廣旱四月  
河南旱秋南康旱至元元年夏河南及邵武大旱二年  
蘄州黃州浙東衢州婺州紹興江東信州江西瑞州等  
路及陝西皆旱六年夏南雄路旱至正二年彰德大同  
二郡及冀寧平晉榆次徐溝汾州孝義沂州皆大旱秋  
衛輝大旱三年秋興國大旱四年福州大旱五年曹州  
禹城大旱夏高密旱六年鎮江及慶元奉化州旱七年  
懷慶衛輝河東及岐山祥符孟津皆大旱八年三月臨  
淄縣大旱五月四川旱十年夏秋彰德旱十一年鎮江  
旱十二年蘄黃大旱浙東紹興台州旱十三年蘄黃及  
浙東慶元衛婺江東饒州江西龍興瑞州建昌吉安廣

東南雄湖廣永州桂陽皆大旱十四年河內孟州汴梁  
祥符泉永寶慶梧州皆大旱十五年衛輝大旱十六年  
婺處二州大旱十八年春荊州旱莒州濱州般陽淄川  
霍州鄆州岐山春夏皆大旱十九年晉寧鳳翔梧州象  
州大旱二十年通州旱介休縣四月至秋不雨賓州大  
旱二十二年河南洛陽孟津偃師大旱二十三年濟南  
賀州大旱明太祖洪武三年夏旱四年陝西河南  
山西及直隸常州臨濠北平河間永平旱五年夏山東  
早七年夏北平旱二十三年山東旱二十六年大旱成  
祖永樂十三年鳳翔蘇州浙江湖廣旱十六年陝西旱  
宣宗宣德元年夏江西旱湖廣夏秋旱二年南畿湖廣  
山東山西陝西河南旱七年河南及大名夏秋旱八年  
南北畿河南山東山西春夏不雨九年南畿湖廣江西  
浙江及真定濟南東昌兗州平陽重慶等府旱十年畿  
輔早英宗正統二年河南春夏旱順德兗州春夏旱平涼  
等六府秋旱三年南畿浙江湖廣江西九府旱四年直

隸陝西河南及太原平陽春夏早五年夏秋南畿湖廣  
四川府五州衛各一及江西早六年陝西早南畿浙江  
湖廣江西十五府州縣春夏並早七年南畿浙江湖廣  
江西二十餘府州縣衛大旱十年夏湖廣早十一年湖  
廣及重慶等府夏秋旱十二年南畿及山西湖廣等七  
府旱十三年直隸陝西湖廣七府州夏秋旱十四年六  
月順天保定河間真定早景帝景泰元年畿輔山東河  
南旱二年陝西四府九衛旱三年江西早四年南北畿  
河南及湖廣三府數月不雨五年山東河南早六年南  
畿及山東山西河南陝西江西湖廣三十三府十五衛  
早七年湖廣浙江及南畿江西山西十七府早英宗天  
順元年夏兩京不雨杭州寧波金華均州亦旱三年南  
北畿浙江湖廣江西四川廣西貴州早四年濟南青州  
登州肇慶桂林甘肅諸府衛夏旱五年南畿四府一州  
及錦衣等衛連月旱七年北畿旱憲宗成化三年湖廣  
江西及南京十一衛旱四年兩京春夏不雨湖廣江西

旱六年直隸山東河南陝西四川旱八年京畿順德真  
定武昌旱九年彰德衛輝平陽旱十三年四月京師旱  
真定河間長沙皆旱十五年京畿大旱順德鳳陽徐州  
濟南河南湖廣皆旱十八年兩京湖廣河南陝西十五  
府二州旱山西大旱十九年復旱二十年京畿山東湖  
廣陝西河南山西俱大旱二十二年六月陝西旱八月  
北畿及江西三府旱九月溫台大旱長沙諸府亦旱孝  
宗弘治元年南畿河南四川及武昌諸府旱三年兩京  
陝西山東山西湖廣貴州及開封旱四年浙江二府廣  
西八府及洮州衛旱六年北直山東河南山西及襄陽  
徐州旱七年福建四川山西陝西遼東旱八年京畿陝  
西山西湖廣江西大旱十年順天淮安太原平陽西安  
延安慶陽旱十一年河南山東廣西江西山西十八府  
旱十二年夏河南四府旱秋山東旱十三年慶陽太原  
平陽汾潞旱十四年遼東鎮春至秋不雨十六年夏京  
師大旱蘇松常鎮夏秋旱十八年北京及應天四十二



衛旱武宗正德元年陝西三府旱二年貴州山西旱三年江南北旱四年陝西旱七年鳳翔陝西蘇松常鎮平陽太原臨鞏旱八年畿轉及開封大同浙江六縣旱九年順天河間保定盧鳳淮揚旱十一年北畿及兗州西安大同旱十五年淮楊鳳三十六州縣及臨鞏甘州旱十六年兩京山東河南山西陝西正月不雨至六月世宗嘉靖元年南畿江西浙江湖廣四川遼東旱二年兩京山東河南湖廣江西及大同嘉興成都俱旱三年山東旱五年江左大旱六年北畿四府河南山西及淮鳳旱七年北畿湖廣河南山東山西陝西大旱八年山西及臨洮鞏昌旱九年應天蘇松旱十年陝西山西大旱十一年湖廣陝西大旱十七年夏兩京山東陝西福建湖廣大旱十九年畿內旱二十年三月久旱二十三年湖廣江西旱二十四年南北畿山東山西陝西浙江江南湖廣河南旱二十五年南畿江西旱二十九年北畿山西陝西旱三十三年兗州東昌淮揚徐武昌旱三十四

年陝西五府及太原旱三十五年山東旱三十七年大  
旱三十九年太原延安慶陽西安旱四十年保定等六  
府旱四十一年西安等六府旱穆宗隆慶二年浙江福  
建四川陝西及淮鳳大旱四年夏旱六年夏不雨神宗  
萬曆十一年八月河東解池涸十三年久旱十四年久  
旱十七年蘇松連歲大旱震澤為平陸浙江湖廣江西  
大旱十八年四月旱二十四年杭嘉湖旱二十六年四  
月旱二十七年夏旱二十九年畿輔山東山西河南及  
貴州黔東諸府衛旱三十年夏旱三十四年夏亢旱三  
十七年楚蜀河南山東山西陝西皆旱三十八年夏久  
旱濟青登萊大旱三十九年京師大旱四十二年夏不  
雨四十三年三月不雨至六月山東春夏大旱四十四  
年陝西旱秋冬廣東大旱四十五年夏南畿亢旱四十  
七年梧州旱光宗泰昌元年遼東旱僖宗天啓元年久  
旱五年夏順保河三伏不雨秋復旱七年四川大旱莊  
烈帝崇禎元年夏畿輔旱三年三月旱五年杭嘉湖八

金史卷之六十三  
卷一百六十三  
月至十月七旬不雨六年京師及江西旱十年夏京師及河東不雨江西大旱十一年兩京及山東山西陝西旱十二年畿南山東河南山西浙江旱十三年兩京及登青萊旱十四年兩京山東河南湖廣及宣大邊地旱

### 火

災火

唐太宗貞觀四年正月武德殿北院火二十三年三月甲弩庫火高宗永徽五年十二月尚書司勳

庫火

顯慶元年九月恩州吉州火十一月饒州火武后

證聖

元年正月明堂火是歲內庫災萬歲登封元年三

月撫州

火久視元年八月平州火中宗景龍四年二月

凌空觀

災玄宗開元五年十一月定陵寢殿火是歲洪

州潭州

災十五年七月興教門樓柱災是年衡州災十

八年二月

左飛龍殿災十月東都宮佛光寺火天寶二

年六月

應天門觀災九載三月華岳廟災十載八月武

庫災肅宗

寶應元年十二月大府左藏庫火代宗廣德

元年十二月鄂州大風火發江中焚舟延民居大厯十  
年二月莊嚴寺浮圖災德宗貞元元年江陵度支院火  
十三年正月東都尚書省火十九年四月家令寺火順  
宗永貞二年七月洪州火憲宗元和七年六月鎮州甲  
仗庫火八年江陵大火十一年十一月元陵火文宗太  
和二年十一月昭德寺火三年十月仗內火四年三月  
陳許二州火五月飛龍神駒中殿火十月揚州海陵火八年三  
月揚州火五月飛龍神駒中殿火十月揚州市火十二  
月昭成寺火開成二年六月徐州火四年十二月乾陵  
火揚州市火武宗會昌元年五月潞州市火三年六月  
神龍寺火萬年縣東市火六年八月三原縣行宮幔城  
火僖宗乾符四年十月聖善寺火昭宗大順二年六月  
幽州市樓災七月相國寺佛閣災後唐明宗長興二年  
四月汴州封禪寺火黎陽縣亦火晉高祖天福三年  
十一月襄州火周世宗顯德五年四月杭州火宋  
太祖建隆元年宿州火二年三月內酒坊火三年正月

滑州甲仗庫火開封通許鎮火二月顯義軍營火五月  
相國寺火海州火乾德四年二月岳州衙署廩庫火三  
月陳州潭州火是春諸州言火者甚衆八月衡州火五  
月建隆觀火開寶三年八月辰州解火五年七月忠州  
火七年九月永成縣火八年四月洋州火永城縣火太  
宗太平興國七年八月益州西倉火雍熙元年五月乾  
元文明二殿火二年九月楚王元佐宮火三年光化軍  
火端拱元年二月雲安軍威棹營火二年三月衡州火  
淳化三年十月蔡州懷慶軍營火十二月建安軍城西  
火四年二月永州保安津舍火飛猷過江燒州門及民  
屋真宗咸平二年四月池州倉火景德元年正月平虜  
軍營火四年十二月鄧州火大中祥符元年正月甲仗  
庫火二年四月昇州火四年八月徐州草場火十月鎮  
州城樓戰棚火七年雄州甲仗庫火八年二月宗正寺  
火四月崇文院秘閣天書法物內香藏庫九年五月  
殿乾元門崇文院秘閣天書法物內香藏庫九年五月

左天廡坊草場火天僖二年二月北宅蔡州團練使德  
雍院火三年春京師多火六月永州軍營火五年四月  
事材場火仁宗天聖三年二月蘄州權貨務火五年四  
月壽寧觀火七年六月玉清昭應宮火明道元年八月  
禁中火延崇德長春滋福會慶崇徽天和承明文德八  
殿景祐三年七月太平興國寺火十月橫龍水口料物  
場火寶元二年六月益州火康定元年六月鴻慶宮神  
御殿火慶厯元年五月慶州草料場火三年十一月上  
清宮火四年三月五臺山寺火六月開寶寺靈感塔火  
七月燕王宮火六年七月洪福禪院火八年正月江寧  
府火皇祐五年正月會靈觀火至和元年四月祥元觀  
火二年并州太宗神御殿火嘉祐三年正月溫州火英  
宗治平四年十二月睦親宮廣親宮火神宗熙寧六年  
二月永昌陵上宮火七年九月三司火十一月洞真宮  
火九年十月魯王濮王宮火十年正月仙韶院火元豐  
元年八月邕州火四年六月衡州火五年二月洞真宮

火八年二月開寶寺火哲宗元祐元年三月宗室宮院  
火六年十二月開封府火紹聖三年三月內尚書省火  
四年七月禁中火元符元年四月宗室宮院火徽宗建  
中靖國元年六月集禧觀火崇寧二年六月中太乙宮  
火三年三月大內火政和三年四月蘇州火五月封州  
火京師大盈倉火是歲成都府大慈寺溫州絳州皆火  
重和元年九月掖庭大火欽宗靖康元年十二月尚書  
省火延禮祠工刑吏部二年三月天漢橋火都亭驛火  
康門火高宗紹興元年十月臨安府越州大火十二月  
越州火二年正月宣州火五月臨安大火十二月行都  
大火三年九月行都闕門外火四年正月行都火六年  
二年行都屢火十二月行都大火七年正月平江府火  
二月鎮江楚真揚太平州火是歲臨安火八年二月太  
平大火九年二月行都火七月溫州大火十一年七月  
婺州大火九月建康火十二年二月鎮江府太平池州  
及蕪湖縣火三月行都火四月又火十四年正月行都

火十五年大寧監火九月行都火十七年八月建康火  
十二月靜江火二十年正月行都火二十五年汴京宮  
室悉焚二十六年潭州南嶽廟火二十九年四月鎮江  
火十二月夔州大火孝宗乾道元年正月泰州火是年  
春應城縣廡驛火二年冬六合縣武鋒軍壘火十二月  
婺州火三年五月泉州火五年十二月太室東北垣外  
民舍火七年十一月禁垣外闌人私舍火九年九月台  
州火淳熙元年十二月泉州火二年六月潭州南嶽廟  
火八月巖州火十一月麗正門內東廡災是歲瀘州火  
九月大內射殿災四年十月鄂州南市火五年四月興  
州沙市火十一月和州牧營火七年二月江陵府沙市  
大火八月温州試士火作於貢闈八年正月揚州火九  
月行都火九年九月合州大火十一月二月興元府義  
勝軍壘舍火十二年八月温州火十月鄂州大火十四  
年五月大內武庫災六月行都寶蓮山民居火十六年  
九月南劍州大火光宗紹熙元年八月處州火十二月



浦城縣火二年四月行都傳法寺火徽州大火五月金  
州火三年正月行都火十一月又火十二月鄂州火寧  
宗慶元二年八月永州火三年五月金州都統司中軍  
壘舍火六月又火冬紹興府僧寺火六年八月徽州火  
嘉泰元年三月行都火二年六月臨安火三年正月  
襄陽火十一月福州火四年三月行都火四月臨安  
梵天寺火六月盱眙軍天長縣禁軍營火八月鄂州南  
市火開禧二年二月壽慈宮火四月行都火嘉定二年八  
月信州火九月吉州火是年瀘州大火十一月政和縣  
火四年閏二月岷縣浦橋火三月滁州火十月撫州火  
福州一火再火五年五月和州火八年八月湖州火九  
年七月南劍州沙縣火十一年二月行都火九月萬松  
嶺民舍火十三年二月安豐軍故步鎮火八月慶元府  
火十一月行都火十七年四月西和州焚軍壘及民居  
六月岳州火理宗紹定元年三月行都火嘉熙元年六  
月臨安府火淳祐元年徽州火十二年十一月行都火

景定四年紹興火臨安大火恭宗德祐元年玉牒所災  
遼道宗太康元年二月祥州火五年十一月南京火  
大安七年六月端拱殿門災金熙宗皇統元年十一月  
月稽古殿災九年四月雷電有火入寢殿燒帷幔海陵  
貞元二年五月南京大內災世宗大定二年閏二月神  
龍殿十六位焚延及太和厚德殿四年十一年尚書省  
火二十年四月大寧宮門火二十三年正月廣樂園燈  
山焚延及熙春殿章宗泰和四年四月萬寧宮端門災  
衛紹王大安二年十一月京師民周修武宅前渠內火  
出高二尺焚板橋又旬日大悲閣幡竿下石隙中火出  
高二三尺人近之即滅凡十餘日自是都城連夜燔爇  
二三十處三年二月大悲閣災火五日不絕宣宗貞祐  
二年六月南京鎮寶閣災興定二年京師屢火三年吏  
部火四年十二月火五年十一月相國寺火哀宗正大  
三年三月有火自吏部中出大如斛流行輾轉人皆驚  
避逾時而滅天興元年七月兵刃有火元世祖至元

十一年十二月淮西正陽火十八年二月揚州火成宗  
元貞二年杭州火大德八年五月杭州火九年三月宜  
黃縣火十年武昌路火仁宗延祐元年二月真州揚子  
縣火三年八月重慶路火六年四月揚州火英宗至治  
二年四月揚真二州火十二月杭州火三年五月奉元  
路行宮正殿火上都利用監庫火九月江都縣火泰定  
帝泰定元年五月袁州火三年六月寧州高市火七月  
奉新州辰溪縣火八月杭州火四年八月龍興路火十  
二月杭州火文宗天歷二年三月四川紹慶彭水縣火  
四月重慶路火七月江夏縣火十二月江夏火三年二  
月河內諸縣火順帝元統元年六月杭州火至正元年  
四月台州杭州火二年四月杭州又火六年八月延平  
路火十年興國路春夏火災不絕二十年惠州路屢火  
三十三年正月廣西貴州火二十八年二月京師武器  
庫災陝西有飛火自華山下流入張弼營中焚兵庫器  
仗六月大都大聖壽萬安寺災雷雨中自有火自空而下

殿脊東鼇魚口火出佛身上亦火起 明太祖洪武元年閏七月京師火燒永濟倉三年二月大河衛火七月乙未寶源局火甲子鳳臺門軍營火四年十一月京師大軍倉火五年二月臨濠府火京師火燬龍驤等六衛軍民廬舍七月永清衛軍器庫火十二月京師定遠等衛火十七年十二月潮州火二十一年二月歷代帝王廟火工元縣治亦火天界能仁二寺火二十九年二月通州火三十年四月廣南衛火惠帝建文二年八月承天門火成祖永樂四年十二月甌寧王邸第火十三年正月北京午門火十九年四月奉天謹身華蓋三殿火二十年閏十二月乾清宮火宣宗宣德三年三月東嶽泰山廟火六年八月武昌火天津右衛北城外火飛燄入城燒倉廩九年二月京城東樓火英宗正統二年二月西鎮吳山廟火三年八月順天貢院火十二月韓府承運殿火四年三月代府寢殿火七年正月廣昌木廠火南京內府火三月趙城媧皇寢廟火十年正月忠義

前後二衛災是時太倉屢火五月後衛倉復火通州右衛倉亦火十一月御花房火十一年秋武昌火十二月周府灾十二年六月南京山川壇灾十三年二月忠義前衛倉火十四年六月南京謹身奉天華蓋三殿灾景帝景泰二年六月青州廢齊府火三年八月泰府火五年春南京火七年九月寧府火英宗天順元年七月承天門灾二年五月器皿廠火三年九月肅州火四年八月光祿寺大烹內門火是歲楚府頻火五年三月南京朝天宮灾六年六月楚府火七年正月南京西安門木廠火二月貢院火憲宗成化二年九月南京御用監火六年十一月江浦火九年七月東直門灾十一年四月乾清宮門灾十三年十一月太倉米麥歲久蒸浥自焚十八年八月合州火楚州火十一月南京國子監火十二月器皿廠火寧河王府火二十年正月欽天監火二十二年六月臨海縣灾孝宗弘治元年三月南京內花園火十一月南京甲字庫灾二年四月南京神樂觀火三年三月儀隴空中有紅白二火

燄長三尺四年二月禮部官舍火六年四月刑部官舍  
火南京舊內災八年三月鎮東等堡躍火星如斗燄公  
館倉廩人馬多斃十年四月阜平有火光長八九尺大  
如轆軸有聲十一年自春徂夏貴州大火燄官民房舍  
千八百餘所死傷者六千餘人十月清寧宮災十二年  
六月關里聖廟災十二月建陽縣書坊火古今書板皆  
燄十三年二月禮部火七月南城縣空中有火乍分乍  
合下墜十餘丈有聲燄軍民廬舍又永寧衛雁尾山至  
居庸關石縱山東西四十餘里南北七十餘里燒七晝  
夜閏七月福州城樓燄八月藩府火十七年四月淮安  
火五月正陽門內西廊火武宗正德元年二月鄭陽火  
是歲寧夏左屯衛紅氣亘天既而火作六月大同平虜  
城災十一月臨海縣火七年三月嶧縣有火如斗自空  
而隕燄官民房逸城外延及卽木又成山衛秦皇廟火  
是月文登大桑樹燔而枝葉無損五月至閏五月懿城  
路火三作九月玉山火八年六月豐城縣西南連隕火

星如盆如斗既而火作至七月初始熄七月火隕龍泉縣十月饒州及永豐浮梁火臨江亦火九年正月乾清宮火十一年八月黔陽火十二年正月清寧宮小房火四年裕陵神宮監火八月南昌火九月建安火十三年二月夷陵火八月獻陵明樓火延平火十四年四月淮安新城火七月泰寧火十五年五月靜樂火世宗嘉靖元年正月清寧宮後三小宮火二月南京針線廠火通州城樓火二年五月榮府火九月秦府火四年三月仁壽宮火王德安喜景福諸殿燼五年三月趙府家廟火七月有火毬三丈五六尺從北墜於東其光燭天六年三月西庫火八年十月大內所房火十年正月大內東偏火四月兵工二部公廨火十三年六月南京太廟火十五年四月山西神機庫火十八年二月趙州及臨洛鎮行宮俱火磁州行宮火六月皇城北鼓樓火二十年四月宗廟火燬成仁二廟主二十五年五月盛甲廠火二十六年十一月宮中火三十一年四月南京試院火

三十五年九月杭州大火三十六年四月奉天華蓋謹  
身三殿文武二樓午門奉天門俱災三十七年正月光  
祿寺災三十八年正月前軍都督府火四十年十一月  
萬壽宮火四十四年大明門內西千步廊火穆宗隆慶  
二年正月浙江火三月乾清坤寧二宮俱燼五年二月  
南京廣惠二倉火神宗萬厯元年十一月慈寧宮後舍  
火三年四月工部後廠火五年十月禁中火十一月宗  
人府災十一年十二月慈寧宮災十二年二月無逸殿  
災十二月又災十五年五月司設監火十八年三月遼  
東寨山兒堡火十九年十二月萬法寶殿災二十一年  
六月太倉公署後樓有礮聲火藥器械俱燼二十二年  
五月天火燔鐵嶺衛二十四年二月杭州火三月泗州大火  
清坤寧宮火二十五年二月杭州火三月泗州大火  
昭火六月三殿災十二月吏部文選司署火二十七年  
十一月內府火二十八年三月南陽火二十九年正月  
鐵嶺衛火八月大光明東配殿災三十年二月魏國公



賜第火十月孝陵灾十二月南海普陀山寺灾三十一  
年九月通州漕艘火三十三年二月御馬監火五月洗  
白廠火九月昭和殿火又官軍于盛甲廠支火藥年久  
凝如石用斧劈之火灾發聲若雷霆刀鎗火箭逆射百  
步外軍民死者無數十一月刑部提牢廳火三十五年  
二月易州神器庫火四月通州西倉火十月南京行人  
司署燬三十七年正月慶府火三月武昌火六月慶府  
灾十月朝日壇火三十八年四月正陽門箭樓火三十  
九年四月怡神殿灾四十一年五月蜀府灾四十三  
四月黃花鎮御溝火蜀府殿廷灾遼東長寧堡二月至  
五月火五發閏八月通州糧艘火九月湖口稅解燬四  
十四年十一月隆德殿灾南城延喜宮灾四十五年正  
月東朝房火十一月宣禧宮灾四十六年閏四月開原  
殷家莊堡臺杆八同時燼又煖閣廠膳房火九月茂陵  
火四十七年四月盛甲廠火光宗泰昌元年十月杭州火七  
宮灾熹宗天啓元年閏二月昭和殿灾三月杭州火七

月復災二年五月旗纛廟正殿災三年七月南京大內  
左傍官災六年五月王恭廠災五月朝天宮災七月登  
州城樓火七年十月寧遠前屯火莊烈帝崇禎元年四  
月左軍都督府災五月鷹坊司火丁字庫火七月公安  
縣火二年十一月火藥局災三年三月又災八月頭道  
關災六年正月濟南舜廟災七年九月廬甲廠災十一  
年四月新火藥局災六月安  
民廠災八月火藥局又災

# 風

大風唐高祖武德二年十二月壬子大風拔木太宗貞  
觀十四年六月乙酉大風拔木高宗咸亨四年八  
月己酉大風落太廟鸛尾永隆二年七月雍州大風弘  
道元年十二月壬午晦宋州大風拔木武后嗣聖元年  
四月丁巳寧州大風拔木永昌二年五月丁亥大風拔  
木中宗神龍元年三月乙酉睦州大風拔木二年六月

乙亥滑州大風拔木景龍元年七月郴州大風發屋拔  
木八月宋州大風二年十月辛亥滑州暴風發屋三年  
三月辛未曹州大風玄宗開元二年六月京師大風四  
年六月辛未京師映華大風九年七月丙辰揚潤暴風  
雨發屋拔木十四年六月戊午大風端門鳩尾落十九  
年六月乙酉大風二十二年五月戊子大風天寶十一  
載五月甲子東京大風十三載三月辛酉大風代宗永  
泰元年三月辛亥大風大曆七年五月乙酉大風十年  
五月甲寅大風德宗貞元元年七月庚子大風六年四  
月甲申大風雨八年五月己未暴風發太廟屋瓦毀門  
闕官署廬舍十年六月辛未大風十四年八月癸未廣  
州大風憲宗元和元年六月丙申大風三年四月壬申  
大風毀含元殿欄楹四年十月壬午天有氣如烟臭如  
燔皮日映大風而止五年三月丙子大風毀崇陵上宮  
衙殿鳩尾及神門戟竿八年六月庚寅京師大風雨毀  
屋飄瓦十二年春青州暴風自西北天地晦冥空中有

數旌旗狀屋瓦上有蹂躪聲穆宗長慶二年正月己酉  
大風霾十月夏州大風飛沙為堆高城堞三年正月朔  
大風霾四年六月庚寅大風毀延喜景風門文宗太和  
八年六月暴風壞長安縣署及經行寺塔九年四月辛  
丑大風墜含元殿鸛尾拔殿庭樹三壞金吾仗舍發城  
門樓觀開成三年正月戊辰大風五年四月甲子大風  
五月壬寅如之七月戊寅如之武宗會昌元年三月癸  
南大風懿宗咸通六年正月絳州大風十一月己卯晦  
潼關大風山如吼河噴石鳴鳥亂飛重關傾側十二月  
大風僖宗乾符五年五月丁酉大風廣明元年四月甲  
申京師及東都汝州大風四年六月乙巳太原大風雨  
昭宗光化三年七月乙丑洛州大風天復二年昇州大  
風漢隱帝乾祐三年閏五月京師西北暴風至戴妻  
門外壞營舍瓦木吹鄭門扉起拔大樹宋太祖乾德  
二年五月揚州暴風三年六月揚州暴風開寶二年三  
月太原大風八年十月廣州颶風九年四月宋州大風

太宗太平興國二年六月曹州大風四年八月泗州大風六年九月高州大風七年八月瓊州颶風八年九月太平軍颶風十月電州颶風九年八月白州颶風端拱二年京師暴風淳化二年五月通利軍大風三年六月丁丑黑風自西北起天地晦暝至道二年八月潮州颶風真宗咸平元年八月涪州大風四年八月丙子京師暴風景德二年六月甲午大風八月福州颶風三年七月京師大風四年三月甲寅夕京師大風大中祥符二年四月乙未大風起京師西北連日不止五年八月京師大風七年三月戊辰京師大風八年六月辛亥京師風起已位天禧二年正月永州大風三年四月徐州利國監大風四年四月丁亥大風五月乙卯暴風仁宗天聖九年十二月辛酉大風三日景祐元年六月無錫縣大風九月甲寅夜風自丑起有聲擺木鳴條二年六月戊寅平明風自未來皇祐四年七月丁巳大風嘉祐二年正月元日有風從東北來徧天有蒼黑雲神宗熙寧

四年二月京東自濮州至河北大風六年四月館陶縣  
黑風九年十一月海陽朝陽二縣颶風十年六月武城  
縣大風七月溫州大風雨元豐四年六月邕州颶風七  
月泰州海風作靜海縣大風雨丹陽縣大風雨丹徒縣  
大風潮五年六月朱崖軍颶風哲宗元祐八年福建兩  
浙海風駕潮害田紹聖元年秋蘇湖秀等州有風害田  
欽宗靖康元年正月望夜大風吹沙走石二月戊申大  
風三月己巳夜大風聲如叫怒十一月丁亥大風閏十  
一月甲寅大風二年正月己亥狂風陰雲中如有火光  
長二尺餘濶數尺二月乙酉大風三月己亥大風四月  
庚申朔大風辛酉北風苦寒高宗建炎元年正月丁酉  
大風十二月乙酉大風紹興二十八年七月壬戌平江  
府大風雨三十二年七月戊申大風按木溫州大風壞  
屋覆舟孝宗隆興元年浙東西郡縣風水傷稼三年八  
月大風雨乾道二年八月丁亥溫州大風雨駕海潮五  
年十月台州大風水八年六月惠州颶風淳熙三年六

月大風四年九月明州大風六月福清縣興化軍大風  
雨五年正月庚戌大風六年十一月鄂州大風七年  
二月江陵府大風十年八月辛酉雷州颶風光宗紹熙  
二年二月瑞安縣大風四年七月興化軍海風害稼五  
年六月丙子大風七月乙亥行都大風紹興府秀州大  
風駕潮秋明州颶風十月甲戌行都大風寧宗慶元二  
年六月壬申台州暴風雨駕海潮六年三月大風嘉泰  
三年十月丁未暴風十一月癸未大風四年正月乙亥  
如之開禧元年四月乙卯九月庚戌大風嘉定元年九  
月乙丑大風二年二月戊子大風七月壬辰台州大風  
三年八月癸酉大風四年閏月丁未大風六年十二月  
餘姚縣風潮七年正月庚辰江州放燈黑雲暴風忽作  
十年正月乙未大風十一月丁丑大風十一年二月甲  
寅大風十月戊午大風十三年十一月庚戌壬子大風  
十二月戊午大風十四年六月辛巳大風十六年秋大  
風十七年秋福州颶風冬鄂州暴風理宗嘉熙二年風

電三年如之淳祐十一年泰州風景定四年十一月福  
州颶風度宗咸淳四年閏月丁巳大風七年五月紹興  
府大風十年四月紹興府大風遼太祖神冊四年十  
月烏庫哩部大風拔木毀舍至於十數日乃止太宗天  
顯七年八月沿柳湖大風覆舟會同八年三月癸亥夕  
白園衛村大風至曙風益甚晝晦如夜聖宗開泰六年  
六月戊辰朔大風起兔兒山西晝暝大雷電而雨不止  
者踰月七年五月丙申必織河大風飄四十三人飛旋  
空中良久乃墮里外無復生者楊沙敵日晝晦道宗太  
康八年九月丁未竊絲淀大風金熙宗皇統九年四  
月壬申夜大風雨丁丑有龍鬬於利州榆林河上大風  
海陵正隆五年二月鎮戎德順等軍大風六年六月壬  
戌大風壞承天門鷗尾世宗大定四年七月辛丑大風  
雷雨拔木八年五月甲子北望淀大風雨雹二十二年  
五月慶都一夕大風蝗皆不見章宗明昌六年二月大  
風震應天門右鷗尾壞泰和三年十月己亥大風四年



三月丁卯大風毀宣陽門鷓尾衛紹王大安三年二月乙亥夜大風吹清夷門闕折崇慶元年七月辛未風從東來吹帛一段高數十丈宛轉如龍墜於拱辰門內宣宗貞祐三年二月戊午大風三月戊辰大風靈興定元年五月乙丑河南大風三年四月癸未陝右黑風晝起聲如雷四年四月丁丑大風吹河南府署飛百餘步哀宗正大元年正月戊午大風飄端門瓦四年八月癸亥大風吹左掖門鷓尾墜丹鳳門扉壞元世祖至元二十年正月延津封邱二縣大風仁宗延祐七年八月延津縣大風英宗至治元年三月大同路大風走沙沒麥田百餘頃三年三月衛輝路大風泰定帝泰定三年七月寶坻房山二縣大風八月大都昌平等縣大風四年五月輝州大風九日文宗天歷三年二月昨城新鄉二縣大風順帝至正元年七月廣西雷州颶風二年十月海州颶風十三年五月潯州颶風十四年七月襄垣縣大風二十一年正月癸酉石州大風二十四年黃巖州

颶風二十七年三月庚子京師大風起自西北沙塵蔽  
天逾時風勢八面俱至終夜不止如是者連日自後每  
日寅時風起萬竅爭鳴戌時方息至五月癸未止明  
宣宗宣德六年六月溫州颶風英宗正統四年七日蘇  
松常鎮四府大風天順二年二月暴風拔孝陵樹懿文  
陵殿獸脊梁柱俱摧三年四月順天河間真定保定廣  
平濟南連日烈風憲宗成化十四年八月南京大風拔  
太廟樹十五年八月大風拔孝陵木二十一年五月南  
京大風拔太廟樹摧大祀殿及皇城各門獸吻孝宗弘  
治三年六月靖虜衛大風七年三月廣寧諸衛狂風瀋  
陽錦州城仆百餘文武宗正德元年六月辛酉暴風二  
年閏正月癸亥盧龍遷安大風乙丑大風壞奉天門右  
獸吻三年二月大同暴風三日九年二月長樂狂風五  
月曲阜暴風毀宣聖廟獸吻十二年四月來賓大風十  
一月南京大風十二月大理衛大風十三年三月慶符  
大風十六年十二月辛卯甘肅行都司狂風世宗嘉靖

元年七月南京暴風雨郊社陵寢宮闕城垣獸吻脊闌  
皆壞五年陝西屢大風捲掣廟宇民居百數十家了無  
踪跡神宗萬曆十八年三月大名狂風天色乍黑乍赤  
二十六年十月癸亥喜峰路臺西北樓內旋風作黑氣  
冲天樓內有火光三十四年七月大風拔朝日壇樹四  
十一年八月青州大風熹宗天啓元年三月大風四年  
五月癸亥乾清宮東丹墀旋風驟作內官監鐵片大如  
屋頂者盤於空中殞於西墀若雷八月薊州寒風殺人  
莊烈帝崇禎十四年五月南陽大風七月福州大風十  
五年五月保定廣平諸縣怪風麥禾俱傷十六年正月  
丁酉大風五鳳樓前門門風  
斷三截建極殿檁楠俱折

欽定續通志卷一百七十三

欽定四庫全書

史部

欽定續通志卷一百七十四

五四

通政使司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百七十四

昆蟲草木畧

臣等謹案鄭樵通志二十畧殿以昆蟲草木葢約其詩名物志爾雅補註本草外類而成之者也樵嘗惜陸璣毛詩疏孫炎郭璞爾雅註張揖廣雅曹憲博雅音釋支離疏畧乃積五六年之勤為蟲魚草木之學以其所得者傳詩釋爾雅補本草且會

而同之以入通志然去留分併之間頗未精當採  
諸本經別錄者固不能盡即詩爾雅所載亦多遺  
忘篠簜篋筍僅詳其二松栢樅檜乃闕其三百蔬  
未列瓠匏九穀不收麴麥鱸鮪則存鱸佚鮪虎貌  
則有虎無貌此其疏也混薑薑於蔓茅之薑合芸  
臺於夫須之臺指劉杙為石榴名鷓鴣為鸚鵡抑  
又誤矣其自相乖異者一雀麥也既以為巨句麥  
又以為牡姓草一葑蓂也既以為菰蔣根又以為

蕪菁菜有莽竹有宿莽草何以皆屬莽草也有飛  
生鼠有飛生蟲何以皆名鼯鼠也樵蓋搜羅未廣  
而又失於考核故不能無舛錯耳今所續纂彙考  
羣書參稽衆說以補其遺兼匡其謬如原書所引  
方外迂誕之言煉石煮丹之法刊落無遺援據衆  
家標舉姓氏又古時字少每多假借並仍原文不加  
點竄亦多聞之一助也其行間分註則用樵舊例云

草類

苓見詩毛傳云草也陸璣疏云莖如釵股葉如竹蔓生  
一名腐腸別錄有空腸內虛經苓黃文四名吳普謂之  
妬婦又謂之印頭廣雅玉篇謂之菰蒼記事珠謂之苦  
督郵蘇恭謂之狔尾苓陶弘景曰圓者名子苓破者名  
宿苓

菅

考菅與菰通郭傳山海經菰亦  
菅字宋玉賦菰菅菅亦作菰

一名白華詩東門之

池可以漚菅又曰白華菅兮白茅束兮毛傳云白華野  
菅也已漚為菅鄭箋云菅柔忍中用茅比於白華為脆



陸璣疏云管似茅而滑澤無毛郭璞註爾雅白華野管

云管茅屬

據李時珍曰茅有白茅管茅黃茅香茅芭茅數種白茅俗呼絲茅本經所用茅根黃茅古

名黃管別錄所用管根香茅一名瑤茅禹貢所謂包匭菁茅芭茅即芒爾雅所謂芒杜榮管茅爾雅所謂白華野管此辨最核鄭志不采爾雅白華句而謂茅之葉如管故亦名地管且改詩白華管兮為白茅管兮就其說疎矣又詩以媾荼蓼爾雅荼委葉此原田蕪穢之草鄭志及爾雅補註誤以為茅鍼補註于蒺藜下又云管花可為茗帚尤非

芳詩毛傳孟子趙註並云似苗說文禾粟下生芳

吳師道國

策註引作禾粟下旁生草

羅願曰先儒不達言何物唯韋昭解魯語

云莠草似稷而無實又韋曜問答云甫田維莠今之狗尾然後此物方顯李時珍曰莠草秀而不實故字從秀穗形象狗尾故俗名狗尾方士稱為光明草阿羅漢草蒲詩凡三見揚之水不流束蒲毛傳云草也鄭箋云蒲柳陸佃曰似莞而編有脊生於水涯柔滑而溫可以為席周官司几筵有蒲筵左傳臧文仲妾織蒲是也

芳一名隱葱

按隱或作蔥蔥或作忍字有通用借用今各依本書之舊

見爾雅郭璞

註云似蘇有毛今江東呼為隱蔥藏以為菹亦可瀹食

臣等謹案陶弘景註桔梗言其葉名隱忍可煮食  
鄭志從之李時珍則據葛洪肘後方而言隱忍非  
桔梗乃薺芩苗薺芩苗甘可食桔梗苗苦不可食  
但郭於隱忍言似蘇有毛陶于薺芩言似人參無  
毛且薺芩隱忍並見爾雅宜依郭註分為二物

薺一名薺草

山海經作薺列仙傳博物志作紫羅願曰薺紫古字通

見爾雅郭璞註

云可以染紫廣雅一名薺葦周官染草註謂之紫蒨別  
錄一名紫丹吳普謂之地血李時珍謂之紫葦  
有葦草

之名見說文續漢書輿服志註急就篇釋名並作緹  
即詩之采綠爾雅之王芻也願羅以當此此草誤矣

蘧一名牡茅見爾雅郭璞註云白茅屬邢昺疏云茅之  
不實者也

苙一名杜榮

考釋文云杜舍人作牡

見爾雅郭璞註云今芒草似

茅皮可以為繩索履屨也寰宇志謂之芭芒本草綱目  
謂之芭茅陳藏器曰芒今東人多以為箔又曰石芒生  
高山如芒而節短江西呼為折草

龍一名天薺一名紅一名龍古大者名歸見爾雅有山

隰二種詩隰有游龍淮南子水草之始海閭生屈龍屈  
龍生容華廣雅蒞龍讀馬蓼也玉篇云龍馬藻也別錄  
天蓼一名石龍此隰草也管子其山之淺有龍與斥註  
云龍斥並古草名此山草也

莎一名蒿其實別名緹見爾雅

爾雅謂侯莎者侯緹也說文及張揖子虛賦註

云蒿侯者失其句讀也玉篇又倒其文曰莎侯

夏小正正月緹縞

爾雅疏引此文作緹蒿

傳云縞也者莎隨也

爾雅疏作蔭

緹也者其實也廣雅云地

毛莎隋也又云其蒿青叢也

鄭樵爾雅補註云即莎草或云即香附子亦名莎草

其根生塊如實爾雅誤以為實也如莎草之類皆無實  
考樵說皆合雲臺夫須為一惟羅願分臺莎二條鄭註  
亦疑莎草有二皆考之不精至以夫須為雲臺鄭志編  
入蔬類則益謬矣雲臺即蔬譜油菜胡洽謂之寒菜

別錄謂之夫須天寶方曰水香稜唐本草云根名香附

子即江表傳之雀頭香圖經云苗名香稜根名莎結亦

名草附子河南淮南名水莎隴西謂之地賴根蜀郡名

續草根亦名水巴戟又名三稜草李時珍曰俗人呼為

雷公頭

藹車一作藹一名芤輿見爾雅及離騷王逸郭璞並云芳

草廣志云藹車香味辛生彭城高數尺黃葉白花齊民

要術云凡諸樹木蟲蛙者煎此香冷淋之即辟也李時

珍曰與今蘭香零陵相類

鄭樵爾雅補註云芸蒿誤

權一名黃華見爾雅郭璞註云今謂牛芸草為黃華華

黃葉似菽藿邢昺疏云牛芸者芸類也

王氏談錄云芸香草也文丞相

家庭砌下有草如苜蓿摘之尤香公曰此乃牛芸爾雅所謂權黃華者校之香烈於芸

臣等謹案鄭樵爾雅補註以黃華為野決明誤今

別出之

艾一名冰臺見爾雅郭璞註云今艾蒿博物志削冰令圓舉以向日以艾承其影則得火詩毛傳云艾所以療疾別錄一名醫草埤雅謂之灸草

藜一名皤蒿見爾雅孫炎郭璞註並云白蒿也爾雅又

云藜由胡夏小正二月采藜傳云藜由胡繁由胡者繁

母也繁方勃也廣雅云繁母勞勃也陸璣毛詩草木疏

云皤蒿一名游胡北海人謂之旁勃

鄭志白蒿即茵陳蒿白兔食之仙此

本神仙服食經考服食經自謂旁勃不謂茵陳弘景已正本經之誤旁勃茵陳俱有白蒿之名實二物也李時



珍曰白蒿有水陸二種爾雅通謂之紫曰紫皤蒿即詩食野之華今陸生艾蒿也辛熏不美曰紫由胡即詩于以采紫左傳蘋紫蘆藻之菜今水生萋蒿也辛香而美曰紫之醜秋為蒿則通指水陸二種而言春時各有種名曰蘋曰蕭曰萩此說亦仍前人之誤紫無艾蒿之名草則蘋蕭不可與紫混萋蒿即蒿萋蕭即萩雖均有蒿名寔非蒿也

蔚一名牡蒿見爾雅郭璞註云無子者別錄在下品蘇

恭曰齊頭蒿也李時珍曰秋開細黃花結實大如車前

實而內子微細不可見故人以為無子也詩匪莪伊蔚陸璣曰蔚牡

蒿也八月為角角似小豆角銳而長一名馬薪蒿蘇頌曰陸云有子與郭小異今當用有子者為正李時珍曰

別錄牡蒿馬先蒿原是二條陸璣所謂有子者乃馬先蒿而復引無子之牡蒿釋之誤矣考馬先蒿葛洪陶弘景謂之虎麻一名馬薪蒿李時珍曰蒿氣如馬矢故名馬矢馬先乃馬矢字誤馬新又馬先之訛也

講一名蒿蕒見爾雅郭璞註云蒿蕒蕒蒿也生下田初出可啖江東用羹魚詩作蕒毛傳云蕒草中之翹翹然楚辭吳酸蒿蕒不沾薄只王逸註云蒿繁草也蕒香草也蒿蕒本二物自唐孟詵食療本草以爾雅繁由胡為蕒蒿而說家遂通歸蒿為一以為特有水陸之分鄭志并以鹿鳴之草為蕒蒿皆謬也

蕭一名萩見爾雅郭璞註云即蒿說同詩毛傳莊子司

馬彪註陸璣詩草木疏云今人所謂荻蒿者是也或云

牛尾蒿似白蒿許慎以為艾蒿非也

考蕭與艾異而蕭艾均有蒿名寔非

蒿也其牛尾蒿則李時珍曰色青  
不白細葉直上狀如牛尾者得之

臣等謹案爾雅補註云即青蒿也或云牛尾蒿今

藥家謂之青箱子考青箱花葉似雞冠嫩苗似莧

故李時珍謂之野雞冠又謂之雞冠莧乃以青箱

當蕭荻誤矣

藟一名牛藟

作藟者誤

見爾雅郭璞註云今江東呼草為牛

續者高尺餘許方莖葉長而銳有穗穗間有華華紫縹  
色可淋以為飲李時珍曰芡蔚花紅色亦有微白色者  
莖葉子穗皆一樣諸家誤分為二物陳藏器曰芡蔚  
人呼為臭草又曰鰲菜似益母蘇頌曰芡蔚實似雞冠  
子即益母之白花者乃爾雅所謂葹是也閨閣事宜云  
紫花者為野天麻陳藏器曰天麻似馬鞭草子如青葙  
子孫思邈千金方云天麻草莖如火麻花如鼠尾花即  
益母之紫花者乃爾雅所謂藟是也葹藟名本相同但以

花色分別之

郭璞獨指白花者為益母咎殷謂白花者非益母皆欠詳審宋人重修本草以天麻

草誤註天麻尤為謬失

崔亦見爾雅毛萇鄭康成作離劉歆李巡

謂之臭穢本經別名火杵近效方謂之土質汗李時珍

又謂之猪麻

魏博士周元明以為菴閭非也鄭志合詩承遂爾雅蔥菜與牛薺為一列羊蹄之下

蓋因詩鄭箋遂牛薺及陸疏遂今人謂之羊蹄而誤不知陸可從鄭不可從也

臣等謹案鄭志止載白花一種而異名亦復不具

今詳著之

繫一名狗毒見爾雅樊光曰俗語苦如繫

鉤一名芡見爾雅郭璞註云大如拇指中空莖頭有臺  
似薊初生可食邢昺疏云薊類也說文云味苦江南食  
以下氣是也別錄名苦芡造化指南云大者名苦藉其  
無花實者名地膽草李時珍又謂之苦板

臣等謹案此與芡了不相似而鄭志果類及爾雅  
補註合為一條謬矣今別出之

薊一名蘆見爾雅郭璞註云作履苴草邢昺疏云即薊  
類也鄭樵補註云苴艸也可為屨生鹵地說文薊或从

藺云草也可以束

莽一名馬帚見爾雅郭璞註云似蓍可以為掃葦邢昺疏云今俗謂蓍莽夏小正七月莽秀傳莽也者有馬帚也廣雅馬帚屈馬第也本經有蓍實李時珍曰蓍乃蓍字之誤爾雅莽馬帚此即荔草謂其可為馬刷故名馬帚今河南北人呼為鐵掃帚

葦一名鼠莞見爾雅郭璞註云亦莞屬也纖細似龍須可以為席蜀中出好者別錄有名未用有龍常草云生

河水旁狀如龍芻李時珍曰但俗呼為粽心草爾雅薜  
鼠莞恐即此蓋是龍鬚之小者爾

臣等謹案郭註纖細似龍須則鼠莞乃莞之小者  
非即龍須也神農本草經明言石龍芻一名龍鬚而  
陶弘景言龍芻似龍鬚但多節爾似以為二物鄭  
志及爾雅補註因解鼠莞為龍須皆未詳考本經  
與爾雅註也今別出之

莞一名苻薜其上謂之蒿見爾雅郭璞註云今西方人



呼蒲為莞蒲蒿謂其頭臺首也令江東謂之苻離西方

亦名蒲中莖為蒿用之為席詩下莞上簟鄭箋云莞小

蒲之席也孔疏云爾雅某氏註曰本草云白蒲一名苻

離楚謂之莞蒲廣雅慈蒲

考漢書東方朔傳註作慈蒲

莞也

別錄及鄭志並

合白芷為一蓋因說文驚楚謂之離齊謂之茝而誤遂改舊說白蒲為白芷也不知芷有離名苻離無芷名也白蒲可以為席白芷豈可以為席乎本經有白芷無白蒲者疑後人妄改也一說莞即燈心草又云即光蘭皆非也或云莞苻二字成文呼莞蒲者蒲苻音近晉書蒲洪改姓為苻其證也

前一名王蓼見爾雅郭璞註云王帚也似藜其樹可以

為埽蓼江東呼之曰落帚邢昺疏云此即藜之科大為  
樹可以作埽蓼者本經上品地膚陶弘景謂莖苗可為  
掃帚蘇恭曰北人名涎衣草大明曰即落帚子也蘇頌  
曰其苗即獨帚也李時珍又謂之白地草云爾雅葍王  
蓼即此爾雅補註云王蓼梭櫚也鄭志以為梭櫚之小  
而無須者而入木類誤矣事物原始以詩南山  
有莖之菜為一  
名落帚亦非也

大菊一名籩麥見爾雅郭璞註云一名麥句薑即瞿麥  
鄭樵補註云叢生莖細弱今人多植庭院間其花與葉

皆可愛故有南天竹之名本經瞿麥一名巨句麥李時

珍亦謂之南天竹草

此條註疏本草註鄭志皆誤郭云一名麥句薑乃巨句麥之誤麥句

薑是本經天名精之別名蘇恭所謂其味甘辛故有薑稱爾雅之荊薺承首也邢疏于荊薺下引本經麥句薑於大菊下引本經巨句麥是矣然不敢駁郭註大菊一名麥句薑之誤且從釋文而改廣雅以湊合之不知廣雅誤認陵茗為蘧麥未嘗誤認麥句薑為蘧麥也廣雅誤以蘧麥當此歲陵茗陶弘景因謂紫歲是瞿麥根不知本經紫歲一名陵茗一名菱華即詩茗之華爾雅陵茗吳普謂之瞿陵者也鄭志于瞿麥下引爾雅薺雀麥乃承日華本草之誤又重出雀麥一條而訛杜姥草為牡姓草不知雀麥即王燾外臺秘要之牛星草也

櫻一名烏階見爾雅郭璞註云即烏杞也子連相著狀

如把齒可以染皂邢昺疏云今俗謂之狼把鄭註作是

也陳藏器曰狼把草與秋穗子並可染皂又曰郎耶草高三四尺葉作鴈齒如鬼釵苗李時珍曰狼把草即

郎耶草也閩人呼爺為郎罷則狼把當作郎罷乃通若如李言則與郭註如把齒之說不同其云可以染皂則

一也時珍又曰方士言此草即鼠尾草功用亦近之但無的據耳據孫炎郭璞陶弘景陳藏器李時珍並言鼠尾可染皂似即烏階但郭不言烏階即鼠尾而藏器分鼠尾狼把郎耶為三因別載之

樓一名索含見爾雅釋文及石經作樓又樓烏階石經

亦作樓則索含即烏階也

爾雅又云樓索含郭璞鄭樵注俱未詳考釋文及石經作

樓又樓烏階石經亦作樓或一物而異名歟

藟一名虞蓼見爾雅孫炎註云澤之所生郭璞註云虞  
蓼澤蓼蘇恭曰水蓼生下濕水旁葉似馬蓼大於家蓼  
莖赤色水按食之勝于蓼子

藟一名苦藟見爾雅郭璞註云今藟葵也葉似柳子如  
米汋食之滑詩藟茶如飴大戴禮夏小正二月榮藟小  
戴禮內則藟藟粉榆毛戴二傳及陸氏釋文並云藟菜  
也儀禮公食大夫禮鉶芼有滑鄭註云藟藟之屬說文  
藟草也根如薺葉如細柳蒸食之甘

前一名山莓見爾雅郭璞註云今之木莓也實似蘆莓而大亦可食鄭樵補註云樹生其子可食俗呼桑莓陳藏器謂之懸鉤子大明謂之楸莓吳瑞謂之沿鉤子李時

珍曰此類凡五種一種藤蔓繁衍者俗名割田蘆即本草蓬蘽也一種蔓小干蓬蘽者俗名揸田蘆即本草覆盆子爾雅所謂莖蒺蒺也又一種蔓小干蓬蘽者俗名蔣田蘆即爾雅所謂蘆蘆也一種就地蔓生者即本草蛇莓也一種樹生者令人亦通呼為蘆子即爾雅所謂山莓陳藏器本草所謂懸鉤子者也孟詵謂覆盆江東名懸鉤子大明謂樹生者是覆盆子並誤今按鄭志果類止引莖蒺蒺蘆蘆兩條而從大明說以樹生者為覆盆是誤以山莓為蒺蒺也陶弘景以蓬蘽為根覆盆為實馬志蘇頌以蓬蘽為苗覆盆為子蘇恭以為一物亦

並誤也

藟一名大若見爾雅

藟詩作苓邢  
曷曰音義同

孫炎郭璞並云甘草

沈括夢溪筆談云此乃黃藥也其味極苦謂之大苦非甘草也宋開寶本草有黃藥子圖經云施州謂之赤藥網目自木部移入草部謂之木藥子

臣等謹案說文藟大苦也昔甘草也分釋鑿然故爾雅補註云沈辨甚明而鄭志尚沿舊說今補正之

符一名鬼目見爾雅郭璞註云今江東有鬼目草莖似  
葛葉圓而毛子如耳瑤也赤色叢生鄭樵補註云莖葉  
如苦耽實似耳瑤兒童或食之本經上品有白英陶弘  
景曰疑即斛菜花別錄有名未用有鬼目云一名來甘  
實赤如五味弘景曰俗呼白草子蘇恭陳藏器並曰白  
英鬼目草也李時珍曰俗名排風子吳志孫皓傳天紀  
三年有鬼目菜生工人黃耆家依緣棗樹長丈餘莖廣  
四寸厚三分東觀按圖名鬼目作芝草遂以耆為待芝



郎即此物也

拔一名龍葛見爾雅郭璞註云似葛蔓生有節江東呼  
為龍尾亦謂之虎葛細葉赤莖鄭樵補註云其葉似凌  
宵花多蔓延籬落陶弘景曰五葉莓一名龍草蘇恭謂  
烏歔莓李時珍謂之赤葛又謂之五爪龍又謂之赤潑  
藤

光一名東蠡見爾雅鄭樵補註云辟荔也

考廣韻光有  
剛杭二音並

引爾雅此句集韻草名  
葉似蒲叢生居郎切

薜一名牡薺見爾雅字典云即薜荔管子在五臭之內

楚辭王逸註云薜荔香草無根緣物而生山海經作草

荔云小華之山其草有草荔狀如烏韭而生于石上亦

緣木而生食之已心痛

攷說文作草蘼蓋傳寫者失之繫傳作草歷

陳藏器

謂之木蓮

攷蘇頌謂薜荔絡石相類其莖葉粗大如藤狀木蓮更大于絡石其實若蓮房則木蓮乃

薜荔之尤大者也

又爾雅薜一名庚草

釋文庚字或作蔑

鄭樵補註云

藤生蔓延牆樹間花頗似薜荔

攷集韻以薜蔑二字為草名廣韻作百蔑蓋薜

字韻書有去入二聲爾雅釋文槩從入聲也

帛似帛布似布華山有之見爾雅郭璞註云草葉有象布帛者因以名云鄭樵補註云必藤蔓之類

蕒一名牛脣見爾雅郭璞註云毛詩傳曰水蕒也

攷詩集傳

作水鳥如蕒斷寸寸有節拔之可復邢昺疏云陸璣以為

令澤蕒也

攷爾雅釋文於蒲蕒下引本草云澤蕒一名水鳥據今本經上品澤瀉一名水瀉無作鳥

者郭氏所不取

攷陸璣詩草木疏云今澤蕒也其葉如車前草大其味亦相似徐州廣陵人食

之鄭樵爾雅補註云狀似麻黃亦謂之續斷其節拔之復生生沙阪据毛傳但云水鳥陸璣以水澤同義謂令澤為郭氏已正其誤鄭志于蒲蕒下因詩采蕒此誤讀毛傳也郭註但云如蕒斷鄭志于續斷下不引牛脣是

矣而爾雅補註以拔續同形云  
亦謂之續斷此又誤讀郭註也

苗一名蓐見爾雅類篇羊蹄草也詩言采其蓐釋文遂  
本又作蓄陸璣疏云遂即蓄字揚州謂之羊蹄幽州人  
謂之遂本經下品羊蹄一名蓄陶弘景景令人呼秃菜  
即蓄字音訛也然苗有蓄音而蓄無苗名弘景又曰一  
種極似羊蹄而味醋呼為酸模陳藏器曰即是山大黃  
一名當藥爾雅須蓀蕪郭璞註云似羊蹄葉細味酢可  
食一名蓐也李時珍謂之山羊蹄又謂之酸母然則苗

蔣即蔞蕪類篇以為羊蹄乃指酸模而言羊蹄之別

種也

攷邢昺掌禹錫以蔞蕪為蔓菁非也爾雅補註鄭志並仍其誤陸佃又誤合溫菰臺菜而一之

蔞一名蔞見爾雅鄭樵補註云即莒也玉篇蔞苗蔞三字轉相訓集韻亦言蔞苗也則蔞亦酸模之別名非旨莒也

蔞一名蔞舌見爾雅郭璞註云今蔞舌草春生葉有似

於舌釋文蔞作蔞別錄有蔞舌

陸璣釋蔞云青州謂之蔞

蔞一名蔞董

玉篇作蔞葦誤

見爾雅郭璞註云似蒲而細邢昺

疏云可為屬亦可綯以為索鄭樵補註云亦可為席說

文類杜林曰藕根

攷玉篇董藕根也據爾雅釋文董本或作董

廣雅類芽菰

也

出隧一名蘧蔬見爾雅郭璞註云蘧蔬似土菌生菰草

中今江東啖之甜滑邢鄭並云茵蘧也韓保昇謂之菰

菜蘇頌謂之菰手中有黑脈者陳藏器謂之烏鬱李時

珍曰菰手俗名茭粳

臣等謹案鄭志菰凡四見草類菰下引爾雅菰雕

蓬菰根下引須葑蓂蔬類芟首下引須葑蓂稻梁  
類菰蔣米下引蓄彫蓬而出隧蓬蔬之名反見遺  
焉于蔬類蕪菁下亦引須葑蓂今考爾雅葑蓂郭  
註雖云未詳而詩毛傳云葑須也方言廣雅並云  
蘆蕪蕪菁也說文云葑須從也鄭詩箋及坊記註云  
葑蔓菁也陸璣詩草木疏太平御覽並云葑蕪菁  
也則葑蓂當為蕪菁非菰葑之葑可知爾雅補註  
以菰蕪為蔓菁以葑蓂為菰葑是兩誤也至彫蓬

之蓬即西京雜記上已食蓬餌以祓邪魏畧鮑出  
遇饑歲采蓬實為母作食者邢昺漫引詩召南彼  
茁者蓬記月令藜莠蓬蒿並興不知蓬類不一彫  
蓬之外有黍蓬黃蓬飛蓬不可混也陸佃合雕蓬  
黍飛蓬為一皆非也今並正之

若一名牛藻見爾雅郭璞註云似藻葉大江東呼為馬  
藻鄭樵補註云水藻之類而葉差大生水底詩采蘋毛  
傳云藻聚藻也孔疏云左傳曰蘋蘩藇

左傳作蘩

藻之菜藇



聚也故言聚藻陸璣云藻生水底有二種其一種葉如

雞蘇莖大如箸長四五尺其一種莖大如釵股葉如蓬

蒿謂之聚藻

政類之推曰說文若牛藻也即陸璣所謂聚藻葉如蓬者也郭璞註三蒼亦云蘊藻

之類也細葉蓬茸生令水中有此物一節長數寸細茸如絲圍繞可愛長者二三十節猶呼為若李時珍曰有

二種水藻葉長二三寸兩兩對生即馬藻也聚藻葉細如絲及魚鰓狀節節連生即水蘊也俗名鰓草又名斗

尾蘊爾雅若牛藻即蘊也考毛陸郭鄭說藻為聚藻牛藻為馬藻如顏李說則馬藻別一物而牛藻即聚藻非

也韓詩有蘋沈藻浮之說陸佃誤藻為藻而混藻于蘋亦非也

臣等謹案鄭志但列藻名而未詳其類今補輯

生一名夫王見爾雅郭璞註云生草生海邊似莞蒲今南越人采以為席釋文云今南人以此草作席呼為生

杜音陳藏器曰江生

字从土音吐

一名江離子似莞生海邊可

為席

據鄭樵補註云即鹹草也可為屨生鹵地考鹹州見南史扶桑傳葉如邪蒿而氣香味鹹與莞蒲不

相似集韻生徒故切海莞也海莞不識其形疑莞與莞通

荊一名勃荊見爾雅郭璞註云本草一名石芸范子計

然云石芸出三轉別錄石芸味甘一名螫烈一名顧喙

荊

一作屬玉篇一作蔞

周官戎右鄭註云茗帚記檀弓註云萑茗

玉藻註云莢帚釋文引爾雅莢薺註烏菴也說文云芳也

鷓一名綬見爾雅郭璞註云小草有雜色似綬詩邛有旨鷓毛傳云鷓綬草也陸璣疏云鷓五色作綬文故曰綬草

菴萐一名菴藹見爾雅郭璞註云一名白萐據邢疏云此草也本

草菴萐一名無姑一名菴藹唐本註云爾雅菴萐一名菴藹今作菴藹字之誤也而在木部疑非是或者與草同氣又釋木無姑其寔夷郭註云無姑姑榆也生山中葉圓而厚剥取皮合漬之其味辛香所謂菴萐邢疏云

本草蕪荑一名無姑也。今考郭註于莖荑云白蕪于無姑云姑榆釋文莖有七符常制戶耕三反其實夷舍人本作揆本分草木兩種自蘇恭輩混莖荑干蕪荑并疑蕪塘乃蕪牆二字之誤。邢昺不能據郭註陸音以正之。爾雅補註及通志木類亦承其謬。

薺一名竊衣。見爾雅。孫炎註云江淮之間食之。其花著衣故名。郭璞註云似芹可食。子大如麥。兩兩相合有毛。著人衣。邢鄭並云俗名鬼麥。考薺王逸九思作薺。薺自註草名。楊慎誤合。

虎藺  
為一

傳一名橫目。見爾雅。郭璞註云一名結縷。俗謂之鼓箏。

草璞註司馬相如賦專結縷云結縷蔓生如縷相結漢書音義云結縷似白茅蔓聯而生顏師古曰結縷著地之處皆生細根如線相結故名結縷今俗呼鼓箏草者兩幼童對銜之手鼓中央則聲如箏也

炮一名九葉見爾雅舍人註云九枚共一莖鄭樵補註云其草一叢九葉因葉命名

望一名桑車見爾雅郭璞註云可以為索長丈餘釋文車作居

繇馬一名羊齒見爾雅郭璞註云草細葉葉羅生而有毛似羊齒令江東呼為雁齒繇者以取繭緒

卷施草

坊本爾雅作卷施據釋文改正

拔心不死見爾雅郭璞註云離

騷宿莽也王逸離騷註云草冬生不死者楚人名曰宿

莽又曰宿莽遇冬不枯南越志曰寧鄉草多卷施拔心

不死江淮間謂之宿莽

鄭志合莽春草莽數節及宿莽為一而入木類大謬又卷施釋

文玉篇廣韻並作卷施李白詩贈君卷施草心斷更何言亦謂此草

菁茅見禹貢穀梁傳鄭康成曰茅之有毛刺者范甯曰

香草所以縮酒左傳謂之包茅管子封禪書謂一茅三

脊晉書地道志謂之香茅其赤者爾雅楚辭謂之藟茅

考文

選作瓊茅揚雄傳亦作瑀茅

張晏孟康謂之靈茅其白者爾雅謂蒿

終軍傳謂之白茅

臣等謹案鄭志因爾雅藟茅之蒿與蒿當之蒿同

名遂誤合蒿藟蒿當遂蕘莧陸與瓊茅為一今皆

別出之

紵

亦作苧又作茅

書禹貢豫州貢紵顏師古漢書註云紵織紵

為布及練也詩陳風漚紵陸璣疏云紵亦麻也廣雅芋

三稜也李時珍曰芋家芋也又有山芋野芋也有紫芋

白芋

鄭志引爾雅薜山麻而云芋野生者是混芋麻為一也後漢書袁牢國傳有蘭干華陽國志云獠言

紵也

牡鞠見周官鄭註云鞠不華者賈疏云月令季秋云鞠

有黃華是牡鞠也

深蒲見周禮鄭衆曰蒲葍入水深故曰深蒲鄭康成曰

蒲始生水中賈疏云史游急就章云蒲葍蘭席蒲葍只



堪為席不可為菹故後鄭破之詩韓奕其藪維何惟筍  
及蒲毛傳云蒲蒲蒻也鄭箋云深蒲說文深作藻云蒲  
蒻之類也本經有香蒲吳晉謂之醯石蘇恭曰甘蒲山  
南人謂之香蒲以昌蒲為臭蒲也

尚一作蒻禮雜記篇鄭註顯草名周禮典臬麻草鄭註

草葛蒨之屬類篇尚下云臬屬蒨下云麻屬麻即臬也

集韻絮屬誤說文作糝引李時珍曰今之白麻  
詩聚衣亦不如鄭義為長

薦見儀禮傳疏屨者薦蒯之菲也賈疏云草名說文薦

蔽屬玉篇薹蒯屬可為席

蔽即蒯字

蒯見儀禮傳記玉藻左氏傳無棄菅蒯孔疏云蒯與菅連

亦菅之類西京賦註蒯草中為索

昌歎

玉篇作昌歎集韻作昌歎

見左傳

攷釋文正義及六書畧不知歎為歎字之誤顧炎武辨之

甚詳

周官醢人昌本鄭註云昌蒲根別錄謂之白昌一名

水昌蒲一名水宿一名莖蒲陶弘景謂之蘭孫

莊子楚辭俱作

荃陳藏器曰即今之溪蓀也一名昌陽生水畔人亦呼

為昌蒲與石上昌蒲都別

攷李時珍曰昌蒲凡五種生干水石之間葉有劒脊疲根

密節高尺餘者石菖蒲也高四五寸葉如韭根如匙柄粗者亦石菖蒲也根長二三分葉長寸許者錢蒲也生于池澤蒲葉根肥白節疎慢高二三尺者泥菖蒲白蒲也生于溪澗蒲葉根瘦赤節稍密高二三尺者水菖蒲溪蓀也白昌古人以根為茹食謂之昌木亦曰昌歟文王好食之藏器混水昌蒲泥昌蒲為一鄭志所載昌陽一條則石菖蒲之一種也

留夷

一作留夷一作流夷

見離騷王逸註云香草也

漢書司馬相如傳註張揖

曰留夷新夷師古曰留夷香草非新夷新夷乃樹耳

胡繩見楚辭王逸註云香草也洪興祖補註云草有莖

葉可作繩索

蘋見九歌王逸註云蘋草秋生今南方湖澤皆有之淮南子註云狀如葢司馬相如賦註云青蘋似莎而大生

江湖鴈所食玉篇青蘋似蘋而大

山海經作薺

萍實見家語史記說苑陳藏器本草拾遺有萍蓬草李時珍曰即今水栗也俗呼水栗包又名水栗子或作水笠楚王所得蓋此類也若小萍安得有實耶

蘊見史記貨殖傳注徐廣曰蘊紵屬可以為布司馬貞

曰山中紵

其

或從竹作箕  
語麋弧箕服

漢書五行志麋弧箕服劉向以為箕

服蓋以箕草為箭服顏註箕草似荻而細織之為服也

收靡見漢書地理志益州郡有收靡縣李奇註云靡音

麻即升麻殺毒藥所出也酉陽雜俎建寧郡烏句山有

收靡草鳥雀誤食烏喙中毒必急食此草以解之

案酉陽雜

俎所說木麋道  
元水經若水注

長松一名仙茆生閩內山谷中草似松葉上有脂山人

服之張天覺集云僧普明居五臺山患大風眉髮俱墮

遇異人教服長松旬餘毛髮俱生顏色如故

天麻赤箭根也暴乾堅白如羊角色呼羊角天麻蒸過黃皺如乾瓜者俗呼醬瓜天麻抱朴子云根有大魁如斗有游子十二枚周環之以倣十二辰也去大魁數尺皆有細根如白髮雖相須而實不相連但以氣相屬爾

按此乃天麻之神異者猶人參中之神參也

陳藏器曰天麻似馬

鞭草節節生紫花中有子如青箱子性寒李時珍曰此別一種天麻草是益母草之類非此也

臣等謹案鄭志已有赤箭而未詳其根今補輯

巴戟天生巴郡及下邳山谷其苗俗名三蔓草葉似茗  
經冬不枯故又名不凋草又別錄有巴棘生高地葉白  
有刺根連數十枚一名女木

百脉根形似苜蓿花黃根如遠志李時珍曰唐書作柏  
脉根肅州歲貢之今不復聞

地榆一名玉札葉似榆而長初生布地故名其花子紫  
黑色如豉故又名玉豉外丹方又名酸赭以其味酸而  
色赭也

三七一名金不換生廣西南丹諸州峯峒深山中土人言其葉左三右七故名三七或云本名山漆謂其能合

金瘡如漆粘物也此說近之

李時珍曰近傳一種草春生苗夏高三四尺葉

似菊艾而勁厚有歧尖莖有赤稜夏秋開黃花莖如金絲盤紐可愛而氣不香花乾則吐絮如苦蕒絮根葉味甘治金瘡折傷出血及上下血病甚效云是三七而根大如牛蒡根與南中來者不類恐是劉寄奴之屬也

秦艸本名秦紉

俗作秦膠

出秦中以根作羅紋交糾者佳故

名蕭炳謂之秦瓜

前胡

唐韻作蒲胡

苗高一二尺色似斜蒿葉如野菊而細瘦



嫩時可食秋月開點花花類蛇牀子花其根皮黑肉白  
有香氣大抵北地者為勝故方書稱北前胡云  
土當歸一名水白芷長近尺許白肉黑皮氣亦芬香如  
白芷故名

都管草

作管者誤

生宜州田野根似羌活頭歲長一節苗高

一尺許葉似土當歸有重臺施州生者作蔓又名香球  
蔓長丈餘赤色秋結紅實范成大桂海志云廣西出之  
一莖六葉

白鮮一名白羶一名白羊鮮一名地羊鮮一名金雀兒  
椒葉似茱萸高尺餘根白色作羊羶氣花紫白色其子  
纍纍如椒

山慈姑一名金燈一名鬼燈藥一名朱姑一名鹿蹄草  
根如水慈姑花如燈籠而朱色故有諸名段成式酉陽  
雜俎云金燈之花與葉不相見人謂之無義草

李時珍  
曰試劍

草亦名鹿蹄草與  
此同名而異實

石蒜古謂之烏蒜俗謂之老鴉蒜一枝箭是也圖經謂

之水麻網目謂之蒜頭草葉如蒜秧及山慈姑花紅色  
如山丹而瓣長黃葉長鬚根似蒜皮色紫赤肉白色一  
種葉如大韭花如小萱花黃白色謂之鐵色箭此二物  
亦花葉不相見與金燈同

及已一名獐耳細辛其草一莖莖頭四葉隙著白花根  
似細辛而黑有毒

白前一名石藍一名嗽藥與白薇相似

草犀苗二三尺獨生根如細辛生水中者名水犀

釵子股一名金釵股生嶺南及南海山谷根如細辛每莖三四十根嶺表錄異云廣中多蠱毒彼人以草藥金釵股治十救八七其狀如石斛也

李時珍曰忍冬藤亦號金釵股與此同名

吉利草因人得名嵇含南方草木狀云此草生交廣莖如金釵股形類石斛根類芍藥吳黃武中江夏李侯徙合浦遇毒其奴吉利偶得此草與服遂解而吉利遂遁去侯以此濟人不知其數也又高涼郡產良耀草枝葉如麻黃花白似牛李秋結子如小栗煨食解毒功不亞

於吉利草始因梁耀得之因以為名轉梁為良耳

辟虺雷一名辟蛇雷狀如粗塊蒼朮節中有眼此物辟蛇虺有威故以雷名之

錦地羅李時珍云根似萆薢及枯樓根

徐黃草生澤中大莖細葉香如藁本

蜘蛛香草根也黑色有粗鬚狀如蜘蛛及藁本芎藭氣味芳香貓喜食之

木香一名蜜香一名青木香一名五木香一名南木香

三洞珠囊云五香者即青木香也一株五根一莖五枝一枝五葉葉間五節故名五香燒之能上徹九天也古樂府云韞韞韞韞五木香皆指此也

甘松香細葉引蔓叢生可合諸香及裛衣金光明經謂之苦彌哆

山柰李時珍云俗誤為三柰又誤為三賴或云三賴乃三棘之誤生廣中根葉皆如生薑作樟木香氣土人食之古之所謂廉薑恐其類也段成式所云柰祇出拂菻

國者似水仙亦似此

山薑一名美草嶺表錄異云莖葉皆薑也但根不堪食

亦與豆蔻花相似而微小爾花生葉間作穗如麥粒嫩

紅色南人取其未大開者謂之含胎花以鹽水淹藏入

甜糟中經冬如琥珀色辛香可愛用為鱠

李時珍曰與杜若之山薑

名同物異也

高良薑一名蠻薑子名紅豆蔻

李時珍曰陶隱居言此薑始出高良郡故得此名按

高良即今高州也漢為高涼縣吳改為郡其山高而稍涼因為名則高良當作高涼也

白豆蔻一名多骨陳藏器曰出伽古羅國呼為多骨其  
草形如芭蕉葉似杜若長八九尺而光滑花淺黃色子  
作朶如葡萄初出微青熟則變白

華撥本名華芡見南方草木狀番語也陳藏器本草作  
畢勃扶南傳作逼撥明會典作畢發又殺成武岡陽雜  
俎云摩伽陀國呼為華撥梨拂菻國呼為阿梨訶陀唐  
太宗實錄云貞觀中上以氣痢久未痊服名醫藥不應  
因詔訪求其方有衛士進黃牛乳煎華芡方御用有效



劉禹錫亦記其事云後累試于虛冷者必效

臣等謹案南方草木狀以蒟醬華菱為一物鄭志云蒟醬狀似華撥故有土華撥之號則係二物矣故補輯于此

肉豆蔻一名肉果一名迦拘勒花實皆似豆蔻而無核故名

補骨脂一名破故紙一名婆固脂徐表南州記云是胡韭子也南番者色赤廣南者色綠

荆三稜生荆楚地故名

開寶本草作  
京三稜者誤

又名草三稜又名

雞爪三稜黑者名黑三稜其葉莖花實俱有三稜並與  
香附苗葉花實相同但長大爾其莖光滑三稜如梭之  
葉莖中有白穰剖之織物柔靱如藤呂忱字林云葦草  
生水中根可緣器即此草莖非根也抱朴子言葦根化  
鱉亦是此草

茅香即香茅也煎湯浴風甚良蘇頌圖經謂之香麻閩  
人呼茅如麻故爾金光明經謂之嗚尸羅

白茅香生廣南山谷合諸名香甚奇妙尤勝舶上來者

臣等謹案茅香即本草所謂苗葉煮作浴湯令身

香同藁本是也與晉書地道志所謂香茅名同實異  
白茅香亦與鄭志所云白茅迥異故別出之

排香草出交趾今嶺南亦或蒔之草根也白色狀如細  
柳根人多偽雜之按范成大桂海志云排草香狀如白  
茅香芬烈如麝香人亦用以合香諸香無及之者

瓶香生南海山谷鬼魅邪精天行時氣並宜燒之耕香

生烏許國莖生細葉主鬼氣調中去臭二香皆草狀亦  
排草之類也

迷迭香出大秦國古樂府云迷迭艾納及都梁即此物  
也魏文帝時自西域移植庭中同曹植等各有賦

藿香一名兜婁婆香楞嚴經云壇前以兜婁婆香煎水  
洗浴即此法華經謂之多摩羅跋香金光明經謂之鉢

怛羅香皆兜婁二字梵言也涅槃又謂之迦算香

嵇含  
南方

草木狀云出交趾九真武平興古諸國吏民自種之叢  
生五六月采日乾乃芬香金樓子及俞益期賤皆云扶

南國人言五香共是一木其根是旃檀節是沈香花是雞舌葉是藿香膠是薰陸李時珍曰令南中藿香乃是草類與菰含所說正相符合范蔚宗合香方云零藿虛燥古人乃以合香即此扶南之說似涉欺罔也

爵牀一名爵麻一名香蘇俗名赤眼老母草方莖對節與大葉香薷相似但香薷搓之氣香而爵牀搓之不香微臭以此為別

赤車使者一名小錦枝與爵牀相類但以根色紫亦為別爾

假蘇一名薑芥一名荊芥一名鼠薺葉似落藜而細蜀

中生噉之又有新羅荊芥又有石荊芥生山石間體性相近

薄荷陳士良食性本草作菰蘭揚雄甘泉賦作菰菰呂忱字林作菰苦則薄荷之為訛稱可知矣孫思邈千金方作蕃荷又方音之訛也玉篇謂之婆蘭今以蘇州者為勝故陳士良謂之吳菰蘭寇宗奭曰世稱此為南薄荷為有一種龍腦薄荷所以別之汪璣曰小兒方稱為金錢薄荷謂其葉小圓如錢也猶食薄荷而醉故陸佃

云薄荷貓之酒也

積雪草一名地錢草一名連錢草一名海蘇與薄荷相類但味少甘江浙間多以作茶飲俗呼為新羅薄荷

薺寧一名臭蘇一名青白蘇其形似水蘇而臭似白蘇而青故有二名山人茹之味不甚佳石薺寧生山石間細葉紫花高一二尺山人用之

野菊一名苦蕒生澤畔莖如馬蘭花如菊菊甘而蕒苦語曰苦如蕒是也景煥牧豎閒談云真菊延齡野菊泄

人

千年艾葉不似艾而作艾香搓之即碎不似艾葉成茸也

黃花蒿一名臭蒿與青蒿相似但色綠帶淡黃氣辛臭不可食人家采以釀醬黃酒麴者是也

曲節草一名六月凌一名六月霜一名綠豆青一名蛇藍莖方色青有節葉似劉寄奴而青軟花似薄荷

桃朱術細如芥花紫子作角以鏡向旁敲之則子自發



五月五日乃收子帶之

番紅花一名泊夫藍一名撒法郎出西番回回地及天  
方國即彼地紅藍花也元時以入食饌按張華博物志  
言張騫得紅藍花于西域則即此一種或方域地氣稍  
有異耳崔豹古今注云燕支中國謂之紅藍疑即此

臣等謹按鄭志已有紅藍未詳西域之種今補入  
大青其莖葉皆深青故名又有小青見蘇頌圖經

惡實一名鼠粘一名牛蒡一名牛菜一名大力子一名

勞翁菜

勞類篇  
作勞

一名便牽牛一名蝙蝠刺河南人呼為

夜叉頭古人剪苗汙淘為蔬取根煮曝為脯云甚益人

今人罕食之

箬

一作  
弱

一名遼葉根莖皆似小竹箬與葉皆似蘆荻南

人取葉作笠及裹茶鹽包米糗

甘蕉一名芭蕉一名天苴一名芭苴曹叔雅異物志云

芭蕉結實其皮赤如火其肉甜如蜜四五枚可飽人而

滋味嘗在牙齒間故名甘蕉是也其花紅如火炬者謂

之紅蕉白者如蠟色謂之水蕉其花大類象牙故謂之牙蕉其莖解散如絲閩人以灰湯練治紡績為布謂之蕉葛又有一種紅蕉日折一兩葉其端有一點鮮綠可愛春開至秋盡猶芳俗名美人蕉又有一種膽瓶蕉根出土時肥飽狀如膽瓶也

麻黃一名龍沙其根謂之狗骨見廣雅別錄謂之卑相又名卑鹽段成式酉陽雜俎云麻黃莖頭開花花小而黃叢生子如覆盆子可食又有雲花草狀如麻黃而中

堅實可治馬疥見葛洪肘後方

木賊苗長尺許叢生每根一幹無花葉寸寸有節色青  
治木骨者用之又有問荆苗如木賊節節相接一名接  
續草

燈心草一名虎鬚草一名碧玉草吳人取麋為燈炷以  
草織席及囊

紫菀

說文作  
此菀

一名青菀一名紫菀一名返魂草一名夜

牽牛連根葉採之醋浸入少鹽收藏作菜辛香號曰仙

菜白菀一名女菀一名織女菀一名女腸一名茆即紫  
菀之色白者也雷斅言紫菀白如練色者名羊鬚草即  
此物

淡竹葉根名碎骨子春生苗高數寸細莖綠葉一窠數  
十鬚結子如麥冬

鴨跖草一名芩雞舌草一名碧竹子一名竹雞草一名  
竹葉菜一名耳環草一名碧蟬花一名藍姑草葉如竹  
高一二尺花深碧可為畫色有角如鳥嘴

龍珠一名赤珠即龍葵子赤者也按去汁可食

蜀羊泉一名羊泉一名羊飴一名漆姑草葉似菊花紫色子類枸杞子根如遠志無心有糝黃蜂作窠銜漆姑草汁為蒂即此草也

鹿蹄草一名小秦王草一名秦王試劍草

山慈姑一名鹿蹄與此不

同

鼠麴草一名米麴一名鼠耳一名佛耳草一名無心草

一名香茅一名黃蒿一名茸母荆楚歲時記云三月三

日取鼠麴汁蜜和為粉謂之龍舌料以壓時氣邵桂子  
甕天語云北方寒食采葺母草和粉食

馬鞭草一名龍牙草一名鳳頸草

女青一名雀瓢其種有二一是藤生乃蘇恭所說似蘿  
摩者一種草生則別錄所云蛇銜根也蛇銜有大小二種  
葉大者為龍銜用根即此女青也張揖言女青是葛類  
指藤生者非此女青又羅浮山記云山有男青似女  
青

水英臨汝人呼為牛莊草河北信都人名水節河內連  
內黃呼為水棘劍南遂寧等郡名龍移草淮南都郡名  
海荏嶺南亦有土地尤宜根葉肥大名海精木亦名魚  
精草

雀翹一名去母一名更生

甘藍一名藍菜

海金沙一名竹園菱

水楊梅生水邊條葉甚多生子如楊梅狀庚申玉冊謂



之地椒

地蜈蚣草左右蔓延葉密而對生如蜈蚣形其穗亦長俗呼過路蜈蚣其延上樹者呼飛天蜈蚣

半邊蓮小草也生陰濕墜整邊就地細梗引蔓節節而生細葉秋開小花淡紅紫色止有半邊如蓮花狀故名又呼急解索

紫花地丁一名箭頭草一名獨行虎一名羊角子一名米布袋

鬼針草方莖葉有極子作釵脚著人衣如針北人謂之鬼針南人謂之鬼釵

攀倒甌莖葉如薄荷一名斑杖一名接骨

澤漆一名漆莖一名猫兒眼睛草一名綠葉綠花草一名五鳳草

木藜蘆一名黃藜蘆一名鹿驪

漏藍子乃附子之瑣細未成者一名木鼈子一名虎掌明時四川成都府歲貢漏藍二十斤見會典

臣等謹案鄭志詳叙附子之名而不及漏藍今補

入

白附子因與附子相類故得此名實非附子類也楚國  
先賢傳云孔休傷頰有癰王莽賜玉屑白附子香與之  
消癰即此

鳶尾射干苗也一名烏園其根謂之鳶頭

臣等謹按鄭志載射干甚詳而不及其苗今補入  
押不盧生回回地土人以少許磨酒飲即通身麻痺而

死加以刀斧亦不知至三日別以少藥投之即活見周  
密癸辛雜志

曼陀羅花一名風茄兒一名山茄子法華經言佛說法  
時天雨曼陀羅花又道家北斗有羅陀星使者手執此  
花故後人因以名花曼陀羅梵言雜色也茄乃因葉形  
爾李時珍曰相傳此花笑采釀酒飲令人笑舞采釀酒  
飲令人舞予嘗試之飲酒半酣更令一人或笑或舞飲  
之乃驗也

臣等謹案山茶花亦名曼陀羅與此花不同今附識

醉魚草一名開魚花一名魚尾草一名橈木莖似黃荊有微稜葉似水楊對節而生七八月開花成穗紅紫色

漁人采花及葉以毒魚

攷中山經云熊耳山有草焉其狀如蘇而赤華名曰葶藶可以

毒魚其此草之類與

毛茛一名毛建草一名水茛一名毛堇一名天葵一名

自笑一名猴蒜

牛扁一名扁特一名扁毒

萆麻一名毛蕪杜甫有除蕪草詩是也其草葉上有毛  
芒可畏觸人如蜂螫螫人以人溺濯之即解有花能毒  
魚墨莊漫錄云川峽間有惡草羅生于野土人呼為蕪  
麻

海芋一名觀音蓮一名天荷一名隔河仙方士云可變  
金小者名野芋宋祁海芋贊云木幹芋葉擁腫盤戾農  
經弗載可以治癰

透山根見岫嶺神書云透山根生蜀中山山谷草類藤蕪

物類相感志云  
柴類蕪菁五異

可以點鐵成金昔有人采藥誤斫此草

乃或黃軟成金也又庚辛玉冊云透山根出武都取汁

點鐵立成黃金有大毒人誤食之化為紫水

又有金英  
草亦生蜀

中狀如馬齒莧而色紅損鐵成金有大毒入口殺人須  
史如紫水也又何遠春渚紀聞云劉玓父吏部罷官歸

成都有水銀一篋過峽篋漏急取渡夢叢草窟之間視  
盡成黃金宋初有軍士在澤州澤中割馬草歸鎌皆成

金以草然釜亦成黃金又臨安僧法堅言有客過於潛  
山中見一蛇腹脹蓄一草以腹磨之而消念此草必能

消脹取置篋中夜宿旅館開隣房有人病腹脹呻吟以  
釜煎藥一盃與服頃之不復聞聲念已安矣至旦視之

其人血肉俱化為水獨骸骨在牀爾視其釜則通體成金矣觀何氏所載則透山根乃金英草之類

蛇莓一名蛇薦一名地莓一名蠶莓以蠶老時熟紅于

地也其中空者為蠶莓中實極紅者為蛇殘莓人不噉

之恐有蛇殘也

攷仇遠釋史訛作蛇繆草

木鼈子一名木蟹蘇頌曰嶺南人取嫩實及苗作茹蒸

食

劉續霏雪錄云木鼈子有毒不可食昔薊門有人生二子恣食成瘡其父得一方以木鼈子煮豕肉食之

其幼子當夜死長子明日死友人馮文誠方書亦載此方因著此為戒二說不同或者以豕肉不相得或犯他物

然而



臣等謹案漏藍子亦名木鼈子與此同名異實

番木鼈一名馬錢子一名苦實把豆一名火失刻把都能治一百二十種病或云能毒狗至死

榼藤子一名象豆一名榼子一名合子依樹蔓生如通草藤子紫黑色三年方熟生南海解諸藥毒

月季花薔薇類也其花逐月開放故名一名月月紅一名勝春一名瘦客一名開雪紅

黃環一名凌泉一名大就一名就葛一名生芻一名根

韭實名狼跋子一名度穀蜀都賦云青珠黃環即此范  
子計然云黃環出魏郡以黃色者為善

土茯苓一名土萆薢一名刺猪苓一名山猪糞一名草  
禹餘糧一名仙遺糧一名冷飯團一名硬飯一名山地  
栗李時珍曰按陶弘景注石部禹餘糧云南中平澤有  
一種藤生葉如菰莢根作塊有節似菰莢而色赤味如  
薯蕷亦名禹餘糧言昔禹行山之食採此充糧而棄其  
餘故有此名觀陶氏此說即今土茯苓也故今尚有仙

遺糧冷飯團之名亦其遺意俗又名過岡龍謬稱也此  
草根狀如菰莢而圓其大若雞鴨子連綴而生遠者離  
尺許近或數寸其肉軟可生啖去風濕中山經云鼓鐙  
之山有草焉名曰榮草其葉如柳其本如雞卵食之已  
風卽此也

女萎一名蔓楚

伏雞子根一名承露仙人肝藤亦名承露仙而伏雞子  
葉圓人肝藤葉有三桠

千金藤生北地者根大如指色似漆生南土者黃赤如  
細辛舒廬間有一種藤似木蓼又有烏虎藤遶樹生冬  
青亦名千金藤江西林間有草生葉頭有癭子似鶴膝  
葉如柳亦名千金藤又名古藤嶺南有陳思岌亦名千  
金藤皆名同而狀異也

山豆根一名解毒一名黃結一名中藥石鼠食其根故  
嶺南人捕鼠取腸胃曝乾解毒攻熱效

攷沈括筆談云  
山豆根味極苦

本草言味  
甘大誤

解毒子一名地不容一名苦藥子

白藥子能解野葛生金巴豆藥毒又能止刀斧傷又有  
陳家白藥甘家白藥會州白藥功用皆相似嶺表錄異  
云陳家白藥善解毒諸家皆不及廣府每歲充土貢也  
防已一名解離一名石解

鉤藤狀如葡萄根而有鉤長八九尺或一二丈大如拇  
指其中空用致酒甕中取酒以氣吸之涓涓不斷

赤地利一名赤薜荔一名五毒草一名五戴一名蛇齒

一名山蕎麥

扶芳藤一名滂藤出吳郡隋稠禪師作青飲進煬帝止渴者即此

甘露藤蔓如筋人服之得肥故一名肥藤

含水藤狀如瓠斷之水出飲之清美故一名大瓠藤劉欣期交州記云含水藤多生路旁行人乏水處便喫此藤

鼠藤鼠愛食此藤故名顧微廣州記云其咬處人取為

藥

紫金藤一名山甘草

清風藤一名青藤一名尋風藤太平清話云天台藤有  
數種含春藤石南藤清風藤耆婆藤天壽根藤俱可為  
杖省藤一名赤藤一名紅藤大如指堪縛物片片自解  
也

紫藤四月生紫花可愛人種以飾庭江東呼為招豆藤  
其子作角角中仁熬香著酒中令酒不敗其花掇碎拭

酒醋自腐壤草木狀云其莖置煙炙中成紫香可以降  
神

落鴈木亦藤也高丈餘鴈過皆綴其中或云鴈銜至代  
州鴈門而生以此為名徐表南州記云落鴈木生南海  
山野中蔓生四邊如刀削代州鴈門亦有之

千里及一名千里急一名千里光

藤黃樹名海藤郭義恭廣志云海藤出岳鄂等州諸山  
崖花有莖散落石上彼人收之謂之沙黃就樹採者輕



妙謂之臘黃今人訛為銅黃銅藤者謬也畫家及丹竈家時用之

石長生一名丹草一名丹沙草宋祁益部方物畧云長生草生山陰蔽地修莖茸葉色似檜而澤經冬不凋即此又紅茂草一名地沒藥一名長生草通泉草一名長生草皆石長生類也

虎兒草一名石荷葉

石胡荽一名天胡荽一名野園荽一名鷲不食草一名

雞腸草

李時珍曰此與紫藤之雞腸名同物異

地錦小草也一名地噤一名夜光一名承夜一名草血

竭一名血見愁一名血風草一名馬蝗草一名雀兒卧

單一名醬瓣草一名猢猻頭草

掌禹錫曰石部有地錦是藤蔓之類與此同名

異物

離鬲草生人家階庭濕處高二三寸苗葉似幕罨江東

有之北地無也又有仙人掌草亦生階庭間高二三寸葉

細有雁齒似離鬲草又有仙人掌草多于石上貼壁而

生如人掌形故以名之

紫背金盤一名金盤藤

石松生名山石上似松高一二尺其小者名玉栢一名玉遂人皆采置盆中養數年不死呼為千年栢萬年松馬勃一名灰菰一名牛屎菰俗呼為馬竈勃

神護草物類志謂之護門草一名百靈草出常山以置門上人夜過草必叱之王筠詩云霜被守宮槐風驚護門草即此也

雙頭蓮一名催生草婦人產難左手把之即生

醉醒草見天寶遺事云玄宗於興慶池邊植之叢繁而心殷醉客摘草嗅之立醒

刺蜜一名草蜜一名給敕羅出交河沙中草頭有毛毛中生蜜北史云高昌有草名羊刺其上生蜜味甚甘美即此

水仙一名金盞銀臺李時珍云葉似薤及蒜莖頭開花大如簪頭狀如酒盃五尖上承黃心宛然盞樣一種千

葉此花皺下輕黃而上淡白不作盃狀人指為真水仙  
蓋一物二種爾亦有紅花者按段成式云奈祇出拂菻  
國根大如雞卵苗長三四尺葉似蒜中心抽條莖端開  
花六出紅白色花心黃赤不結子冬生夏死取花壓油  
塗身去瘋氣據此形狀與水仙彷彿豈外國名謂不同  
耶

茉莉一名柰花

嵇含草木狀作末利洛陽名園記作抹  
鴈佛經作抹利王龜齡集作沒利洪邁

集作未麗晉書都人簪柰花即此也又有似末利而瓣大其

香清絕者謂之狗牙亦名雪瓣

素馨西域謂之耶悉茗花即段成式所云野悉蜜花也  
有黃白二色

迎春花一名金腰帶叢生高數尺正月初開小花狀如  
瑞草

剪春羅一名剪紅羅苗高尺餘柔莖綠葉葉對生抱莖  
花深紅花大如錢凡六出周迴如剪成又有剪紅紗花  
莖高三尺葉旋覆花狀如石竹花而稍大四圍如剪鮮

紅可愛又有剪秋羅一名漢宮秋色八月開花又有剪  
羅花甚紅出南越又有剪金羅黃色甚艷

玉簪一名白鶴紫者名紫萼白者名白萼並似花狀命  
名

鳳仙一名金鳳花其花頭翅羽足翹然如鳳故名女人  
采花染指甲故又名染指甲草其寔狀如小桃老則迸  
裂故名小桃紅一名夾竹桃一名旱珍珠一名海納  
雞冠花有紅白黃三色其穗圓長而尖者儼如青箱之

穗扁卷而平者儼如雄雞之冠最耐久霜後始薦

鴈來紅莖葉穗子並與雞冠同其葉九月鮮紅望之如花故名吳人呼為老少年一種六月葉紅者名十樣錦天靈草狀如雞冠花葉亦如之折之有液如乳

金盞草一名杏葉草一名長春花

蘇頌曰金盞草秋後有子如雞頭實其中

變生一小蟲脫而能行李時珍曰夏月結實在萼內宛如尺蠖蟲數枚蟠屈之狀故蘇氏言其化蟲實非蟲也

欽定續通志卷一百七十四